

魯木齊六年主教虎峯書院所學益深蕭然自得嘗  
寄書子姪曰讀書體道不可廢也昔蔡元定謫道州  
寓書諸子謂獨行不媿影獨寢不媿衾勿以吾得罪  
而遂墮其志此言可玩耳嘉慶庚申赦還年八十卒  
著有學庸講義文律要津詩法覺來杜陵長律註復  
靜琴譜狀

譚世職 字文齋允文次子父早喪母李教成之乾  
隆甲戌進士官翰林院檢討名御史以母年七十  
告終養歸主講啟秀書院有年教弟子知行並進不  
為章句之學務使有體有用以底於成弟子遠近著

遵義府志 卷三十四 列傳二

籍者數十人母之卒九十六歲時世職亦年六十餘  
遂不復仕卒世職恂恂儒者居家親戚來往幾忘其  
為詞臣嘗出外為不知者唾辱他日見之如不識也

兄世暄恩貢

彭 謚 號靜齋幼負嗜書嘗夜焚香照讀中乾隆

丙子鄉試後大挑任思南教職截取知江南旌德縣

廉介自持告歸仍茅屋數椽而已

楊朝選 字升尹乾隆庚辰武舉親病曾兩割股救

愈兄遺兩孤貧分已田給之耕常以孝弟耕讀勸鄉

人從之者眾徐準常語人曰龍塘一鄉數十年無訟

獄賭博亦無賭具者鄉人陰受楊君之福也龍塘蓋  
所居地名年八十卒子體秀嘉慶辛酉副榜選安南  
訓導孫連奎連漢皆舉人

王 恒 字久也號咸齋觀孫乾隆乙酉以拔貢舉

於鄉七試禮部不售大挑分發浙江補慶元令調平

湖獲海盜有功陞江蘇海門直隸同知又以獲盜功

陞金華府知府行至揚州卒恆所治有聲治平湖六

年最尤著初下車邑大旱無賴子嘯聚數百人為盜

肆掠鄉巨室且揚言某日入城劫倉與庫獄勢洶洶

議會營往弁不敢出壯捕皆色沮恆獨率數役掩其

遵義府志 卷三十四 列傳二

所擒渠魁悉重懲之周洩四境凡數月乃已時大吏

聞不靖將率兵來撫因止而疏其能入告邑東四十

里曰庫港迤南北為戈溪大乘兩防東通松之泖湖

西達三之馬浦舊有橫橋後圯鄉愚取便行人聚土

為堰越兩年適旱遠近支河皆涸恆往度形勢亟鑿

堰建橋復舊制凡通橫橋支流者數百里膏腴之田

並食水利無旱潦憂恆為政首重文教培士氣修陸

清獻祠墓立守祠生奉其祀新陸孝子祠封植龍湫

山人臺重修湖書院益膏火義田增設義學捐俸

延師舉廢幣會勸紳捐田六十畝同時舉葬者二萬

餘又捐築獨山海塘倉署之屬凡有神政典者百廢具興論者謂古循吏無以過云卒年五十八陶淵恒撰傳試春官時經鎮遠見同鄉袁州守喻敬彰樞密古寺中不能歸思舉之無所出及任平湖憶前事即遣三百金歸葬而喻子尙未知也他義舉多類此公舉事實鄧功偉 乾隆乙酉副貢素行端謹友教數十年後選訓導以老不就子啟成道光甲午

恩賜副榜公舉事實

張汝翼 字雪齋父鑑諸生先世自大同籍蜀祖璞仕明御馬監監正甲申之亂徙遵汝翼年八歲誦朱

遵義府志 卷二十四 列傳二 七

子章句即暗曉一日讀鄉黨篇起而曰此篇形容聖人只是一敬字稍長究心六經每嚴冬拭冰以沐志想超然後以祿養不遂歲貢當銓教職辭不就年八十猶好覽古史籍為諸孫講說誦吟不已羅謙撰墓碑張汝靈 字時若乾隆戊子舉人幼孤事母孝門內甚修時有品高諸子之譽譜家王以純 字時熙所師子乾隆戊子舉人判四川西陽州值白蓮教匪圍城家人皆泣以純據椅大叱曰為國家死城社何懼之有而泣為竭力固守城賴以全賊平題阨本州旋卒

唐金 字緘之惟安三子乾隆戊子舉人大挑任黔西學正蔬水自足日與諸生講誦為娛嘗曰民社非所能也可以此藏拙乎迨兄錫卒于安州任貧極嘆曰我不出兄樞必不歸此不能安吾素矣乃就選知山西屯留縣卒于官金性不耐俗為文光黯黯然詩宗恬淡儻然自遠書深到晉法分隸存者人爭藏之所居圖書四壁焚香掃地終日與古人往來藏祖廉所得狄梁公琴一張在黔學時購得朱子自書四絕句墨蹟平生寶二物坐臥不去左右可見其性情云遵義詩抄

遵義府志 卷二十四 列傳二 三

周曰健 字惕齋父自邵廩生曰健中乾隆辛卯鄉試大挑任黔西學正兼主講秀山書院凡十二年土習文風因之丕變時大師勦興義苗有以曰健才薦赴營曰健上平苗策三道悉中機宜興義平大憲擬敘擢辭不就奏加軍功一級旋陞鎮遠教授載取知湖南興寧縣縣做俗溺女尤甚曰健力禁之數年其風頓息告歸一載卒傳家李鳳翮 字丹吾瀛子生儻穎異乾隆甲午舉人屢赴禮部不售遂絕意進取以詩書自娛號半山峯人世居遵南鄉地從無講古學者乃肆力詩古文詞

為之俱後復潛心理學所造益深嘗曰理學文章判然兩途古今才士優文藝而短器識由理學少體會耳又曰凡聖賢言語皆當體貼於身然後可代聖賢立言徒工帖括弋科名陋矣性峭直不肯俯仰隨人鄉鄰有鬪者得一言輒解秀寧撰生平每一操觚必有關於人心世道嘗與陳懷仁書曰凡讀四子書當以集註為本此是身心性命上功夫若徒博覽古今名物故實為詞賦之助此就末流上用心恐終玩物喪志為有外無內之學年八十一卒著有六書啟蒙覺軒雜著讀史論苗爾雅讀杜心解戊己篇覺軒問

擬譜

李鳳翽 字鶴林孟生孫生一歲父涵死其母張苦

守以教鳳翽讀書日數千言為學亦力弱冠即中鄉

試貌俊偉性尤慷慨直事關名教即身任之嘗遇婦扶

其夫者下馬鞭之數十復為導以大義或議之對曰

人之多事非為名即為利我多事無為為綱常耳庸

何傷年未四十卒家

張文遂 字成章生半歲失怙母饒撫教成立以歲

貢選獨山州訓導辭不就事母以孝聞母中鹽病哮

弱不能行步凡衣履飲食便溺文遂必身親之晨負

而出募負而臥如是十餘年因終身惡鹽食惟淡性樸厚好施歲荒屢倡捐賑族隣貧不能昏葬者必代委曲竣事族有借宅其地者久之自賣業而買者必并宅地始售因與以成之不取一錢一丐者至門給以米不去必求衣文遂內顧無所有即解其子一衣付之其行事類如此為文謹守純樸邑科名多出其門以居鹿鳴山下學者稱鹿鳴先生家

張極 字中立號一峯汝彛子自幼喜親近先生大人一日讀史其父詰以褒姒喜聞裂帛何也起應曰其性然也類敏類如是中乾隆丁酉鄉試大挑補

河南滎陽知縣劉素結匪猾軋城野極獲其罪

狀置之法闔邑肅然任一年以病歸病起揀發直隸

署井陘時用兵西方以駟務勞加軍功一級嗣補授

阜平民如得父母巨報大蝗將往捕其夜聞殷殷如

雷晨起視則蝗盡出龍泉關外以邑學校廢弛於城

中及王快鎮葺創書院捐資置章程令諸生肄業尋

調署平山當滹沱水經處民刮淤種稻約千頃漲後

田界復爭久不下極冒暑量勘十餘日訟以平又調

署衡水城外水通舟前令於城門河沿各設柵口隸

因以索錢商旅苦之極至即令撤去旋題補大名行

三阜平老幼送者人數千一老嫗隨車哭詢之曰兒無賴好博得公至已數年今去老婦不及夕食矣故此悲也經衡水民爭先道迎阜平民尙多未去爲爾一日設酒食諭歸之哭有至失聲者至大名法行令肅上官亦見憚呼爲鐵面包公嘗謁見本道門隸坐不爲禮極正色曰朝廷令顧不如一隸耶本道杖隸以謝時內黃賊張標黨數百人時出劫奪極力言諸大吏請急治若緩卽難皆不許惟按察使全保頷之乃約民以禦賊法且令曰殺張標及黨者勿坐境內稍戢督學第元銘復

遵義府志 卷三十四 列傳二

命朝廷因知張標嘉慶三年長新店報劫

上諭此案盜賊必張標密令總督嚴捕賊偵知先遁極率民役跡盜出沒獲其黨數十人標自殺死極嘗言大名刁悍由守令不知綱紀吾所至皆示以整肅訟獄煩由士人不知廉恥吾別異其賢者而不貸不肖者故治大名五年風俗大變卓異陞開州知州將蒞任有狐借馬姓言曰張公來吾去矣以父母均年八十告養歸極所歷治多苦瘠而差派力求減曰惜一分民受一分之福吾素稟者也又自謂立法則嚴用情期恕故所治咸帖服不以爲苛嘗謂源清則流塞官者

書役之本書役者與官共治不正其本雖三木以求無益又謂官拘一人賠累者每數十故愛民不如省事省事不如無留獄吾官二十年決獄未有遲至一日者不敢言無枉民而勤以補拙則所自幸又嘗謂吾治事午夜必捫心不愜卽終夜不寐民可欺天可欺耶居家如書生衣食惟儉雞鳴卽冠帶治事焉曰人不可一日苟安也喪父母哀毀失明卒年六十一

楊 傅 字肖說號夢巖諸生若松子乾隆戊戌歲進士選授河南內鄉知縣在任六年摘奸懲惡內行

遵義府志 卷三十四 列傳二

清廉時有楊青天之稱告病卒于寓年五十六宦囊如洗僚舊醮錢歸其櫬傳事繼母以孝聞與兄佐友愛郡新建湘川書院首主講席從遊者十餘人與鄉薦皆得其啟迪云

李 樾 字蔭侯歲貢生苦心行已介然離俗名所居曰四一居楹書云天地之正氣忠一點孝一點人世之正途耕一條讀一條銘曰孝求無愧忠期不作

耕勿辭勞讀須尋樂四一居敬不煩贅說著有雲草詩

黎安理 字履泰號靜圃廩生正訓子中乾隆己亥

鄉試以大挑訓導承從選補長山知縣任三年告歸  
安理身長八尺目光如電語聲若洪鐘生而貧少時  
醫卜星相遜什一無不業以餘隙讀書六世祖民忻  
受業來知德高弟世講來氏傳故尤精易學說義理  
神逼大樽鍾陵捷可日二十篇繼祖母夏悍妬甚父  
以館於外仍不容因館蜀灌縣卒母亦時被逐居外  
家安理之幼夏乘睡以蟲蝨毒口鼻又誘至溪邊推  
之水並死而救蘇甫十歲即躬勞役代父事祖父母  
每春力不舉夏繩繫確首令挽踏之夜必三昏乃罷  
晝令薪樵或刃傷指幾斷方構思不覺也母夙嬰痼

遵義府志 卷二十四 列傳二

疾成童後即講求方書盡力調治因延年四十餘壽  
近七十始沒祖父性古強奉四十年雅得歡心沒後  
營葬髮至為白夏之死以怪病事之五十年至此已  
亦老尚侍疾數十晝夜無惰色父客死門人葬之灌  
安理屢走灌撫墓痛號觀者泣下夜即宿塋側告歸  
甫一月即往置祭田去來數千里忘其老次弟在灌  
逃三弟後亦逃安理鄉舉後出入黔蜀跡次弟卒得  
之季弟終不歸子愚至三年不識一字而撫之如已  
子論者謂其制行當於古孝友傳中求之平生慷慨  
有為為人謀必竭力嘗救一從兄出於險墜崖幾死

一友厄遠所呼救夜行困極即宿荒郊亂冢中不恤  
亦不德也待人必以禮法見者畏焉善誘教弟子至  
鈍者亦有成就去幸長山未三月值曹潛教匪亂邑  
常兵衝軍符絡繹民卒無擾沈誼三者邑賈戶賊平  
都中獲遊民偶戲者刑訊急以篋中有沈鈕扣字號  
遂誣沈謀逆軍機飛檄督密罕沈事極鍛鍊安理力  
白之卒獲雪一紳家甚富其妻以意造生瑩人以借  
制告委勘者奇貨其室安理知愚婦人無他先往毀  
其瑩巨禍賴免卒年六十九子恂進士愷舉人著有  
鋤經堂詩文集論語口義夢餘筆談

遵義府志 卷二十四 列傳二

徐準 字慕萊號立亭淵弟乾隆庚子進士授翰  
林院檢討陞福建道監察御史轉兵科掌印給事中  
外任臺灣道告終養歸卒準平居翦翦若無能者遇  
事侃侃即發明輩雖素狎常生憚心官御史時和珅  
權方盛一日入朝有御史跪拜準正色責曰此非  
我輩儀注焉得卑屈至此珅聞銜之一日謂曰汝食  
昔二十餘年矣尚不思差外任乎準曰差否皆君恩  
思之亦無誼也次年曰籤放潛河道珅短之別舉前  
拜跪者易準卒不稍屈他行事多此類

駱元吉 字雁南 嘉慶戊午

耳何與讀書事哉生平好靜坐言笑矜嚴雖接親狎無敢妄咳唾已亦無褻容也旁精醫方求輒獲效卒年七十三著有格致編素問集注

馬仕第 字及堂歲貢少孤自刻勵為文閱偉試諸

生輒冠曹學使陳本忠為梓試卷識不識羣推畏之

家赤貧歲恃館穀然性介寧窮餓無所苟求主講啟

秀時與縣署劇讌優侑酒恥之徑出不合時宜老而

益甚後銓選得教職歎曰數十年藜藿飽矣焉復慕

丁胥為不就年八十三無疾卒仕第與駱元賓李寶

堂俱以能文困場屋後生達者多出其門而仕第酷

遵義府志 卷二十四 列傳二 芸

窮沒世士林悼之

金章聘 字萃田乾隆乙卯舉人積學敏於文晚授

永寧州學政有善教聲

林國楨 字幹圃嘉慶辛酉拔貢少年才藻敏艷聲

華爛然學使周鏐遴選貢士拈題限韻與諸生同賦

國楨於難押字悉與鏐同遂首拔晚授鎮遠訓導卒

嘗與金章聘門敏同題為四六文限寸香就國楨稍

遲而工過之章聘笑曰固不爭此一刻勝負也二人

皆食貧有節操

陳懷仁 字含元號心齋生而識歲字故脫號識歲

後三年其母視之筆與草依然手跡其攻苦如此中乾隆戊申副榜選授興義縣訓導縣新設未久學宮不備制且就圯曰佐率邑人士重脩於筆山下卜建書院買田定租規條妥備招生童來肄業每朔日縣課之望日學課之二課外復私設課鼓舞振興文風大起嘗送考學使甚重之問應試遵義子孫幾曰佐對無人後又問對復然從者竊否之曰佐曰事甚便而名可恥故不肯為也其有守類如是年七十四卒

徐淵 字靜齋錫鬯子乾隆己酉舉人事母孝母

病篤每夜焚香禱天卒愈教弟子必令端品行性剛

介主教湘川書院時有縣隸犯科來賄百金求中脫

淵厲色卻之見貧困必施予家人或以無餘阻之淵

曰必待有餘而後濟人則何時有濟人時也善醫有

告即往酬之不受時有無愧孝廉之稱

蘇必達 字誠之霖泓孫乾隆己酉舉人大挑知安

徽歙縣在任卒年六十二必達自少赤貧教讀以養

親父鯁病醫云補虛弱當多食燕窩力求得之不及

進後大官不忍見此物以祿不及養遇生忌終日涕

泣不已為令日時肩輿至鄉村集父老子弟勉以孝

遵義府志 卷二十四 列傳二 芸

弟力田每鞠民訟慈祥若父兄民無不吐實者時有活菩薩之謠臨卒宦囊如洗士民醵助柩始歸

戴柱 字啟宇縣增生性耿介力求古處鄉人從學者多所成就貧約終身卷不釋手年七十一忽告

其子曰吾得正而斃矣遂卒

胡達道 字修五號雲巖乾隆甲寅舉人一試禮闈

不第友教終身性孝友善誘後進郡人登甲乙榜者

多出其門

李栢 字青圃乾隆甲寅副榜原姓蹇明尚書義

後先世由重慶徙家遵義栢幼即異羣兒祖母老失

遵義府志 卷二十四 列傳二

七

明其父常經紀外出栢謹扶持時湯藥事求得祖母

歡讀書夜或束香照字不以為苦生平不作欺人事

數十年足不入城邑令鄧應台雅重其品屢招之卒

不赴道光九年臬司李文耕令各縣公舉賢良方正

邑咸舉栢栢曰不賢良方正則有之若云能然吾誰

欺欺天乎固辭乃已終身自奉清約凡戚鄰貧乏者

婚嫁喪葬必助之人咸推儒宿子蹇舉人並公舉

余從龍 字際飛號雲亭幼失怙恃祖教之讀能自

刻勵古今詩文詞每一篇出即高人家貧甚持躬期

古賢者於經史家國大端尤必究其源流得失常曰

士生古人後內無蓋於身心外無濟於民物何用讀

書為乾隆乙卯舉於鄉以祖母老病及嘉慶戊辰始

一會試即揀發河南知縣初任商水力革雜派清釐

驛弊適奉檄丈田僅取足額民皆安之邑東北地類

患水為相高下開溝渠築隄防數十處地悉為腴壤

改知睢州甫至黃河決災數十州縣睢城不沒僅三

版從龍招流徙禁侵漁請雷漕議勸糶事事周至

民賴以安嗣補洧川知縣從龍負經濟才廉直不阿

事關民生休戚常力與上官爭不行不已尤敏於折

遵義府志 卷二十四 列傳二

七

獄所至摘奸發伏判決如流神君之號噪兩河間在

河南十餘年凡疑獄大半承訊無不得情者滑縣

教匪平案株連千餘家審者務在羅織從龍曰若知

其冤而不言非仁人君子所宜出也會大吏委讞此

卒止誅其首及黨從數十人被誣者悉釋去後卓異

第一陞光州直隸州知州丁祖母憂歸行至常德府

病卒

胡天格 以行伍隨征大小金川累功補大定協右

營守備金川平陞上江協左營都司

翎補歸化營遊擊推陞開浙督標中軍副將旋陞漳

州鎮總兵補廣西提督因病告歸天格智胆過人技

賞戴花翎

藝嫻熟從征滇蜀數年大小二百戰並奮勇先登未嘗敗劬卒年七十五

劉惠 由武舉分發雲南以千總從征金川累功補曲尋協左營守備陞臨元鎮標右營都司

戴花 翎調補督標右營遊擊陞鎮雄營參將擢補龍陵協副將以征勦銅仁苗功陞鎮遠鎮總兵惠曉暢邊情

謀勇俱足滇黔蜀用兵無陣不與奮呼前進雖鎗石重傷每不自覺亦多以此成功卒年六十並公舉

張自信 字貴五號斯未文遂子弱冠補弟子員歲試學使洪亮吉得文大驚特榜上一等寵異之謂能

遵義府志 卷三十四 列傳二

五

入貴山便朝夕質當資四十金自信以親老辭嘉慶

戊午舉於鄉大挑籤雲南知縣甫任新平民有夜逐賊而口遠谷者驗多石傷一似鐵皆謂跌斃可勿問

自信視死者當門池萍曰有竊魚否曰有不確然某夷似之因偵諸夷拘一巾裏頭者別致其幼子悉其

居作用器命速取其樓門角倒立鐵尺來果得之有血跡一訊服罪蓋火竊魚主追與持尺者鬥羣拾石

毆死投巖下歸人問何以知鐵尺所曰偶中耳殺人必慮家人知倉卒歸臥持柄登樓必隨手倒置門側

惟急乃得之緩則變矣其他決獄類如是委署寧州

三月結新舊件三百餘牘時同僚歲報結案至百五十者即美敘司吏向索錢與上考曰吾為民耳豈為

升官哉不與敘亦不及州課士法壞為定章程裁萬松山水井哨等寺之半助書院膏火象山銅廠盛路

南知州某善諂驩巡撫請以廠來屬委勘官謂曰以屬寧州重違上司屬路南又不直盍調停自信曰皆

國地屬路南不過我少得錢耳何調停之為次年夏旱禱得雨乃大熟稻穗或三四岐馬產雙駒署梅菊

皆再花州人盛作四瑞詩為頌解任士民時來寓若家人父子問曰某此三年屈縱人幾何皆曰無一老

遵義府志 卷三十四 列傳二

甲

吏進曰惟某某杖三十似微過耳嗣署南寧祿勸兩

縣廉能聲噪三迤巡道宋湘力以首縣薦辭曰某歸志久待實授博考妣封章耳安能變質直當上官乎

補授河西知縣昧旦入境一攔輿呈者物塊然問知故笑曰若豈不聞我耶擲之受印集讞則其沙地為

武舉蒙佔屢控以無賂屈計惟先豪賄庶直耳乃杖呈者而歸之地縣衙蠹甚力懲之時有張公到河西

士民望恩吏役啼之語卒於官年五十七自信少盛文譽與陳懷仁金章聘余從龍稱遵義四傑然非所

願惟民生利病究心獨切居官奉火烈水懦語為大



要指陳上官前不避不阿嘗面斥同官某諛某數短之上官上官曰無或於人故不畏人吾且憚之爾何言哉與兩兄最愛同年楊澤盛赴春闈以不習遠道拉同行半途楊病醫藥便旋日夕躬之抵京月餘楊卒自信親洗斂伴柩居朋友力勸移避不祥自信曰渠恃我始來今死舍渠去旅魂誰依乎試畢募同鄉歸其輓論者謂可媿澆俗云

莫與傳

唐源準 字以平義伯曾孫嘉慶戊午舉於鄉貧不能與計偕走依族父為粵令者戊辰試春官不捷以知縣挑發粵東持海氛尚熾大府令出海擒盜者得

先補十盜以上予升擢同官勸請行分所獲辭之讞獄廣州監順德羅編潮陽保甲團練民勇韓司寇時為粵撫器其能令署韶州英德縣豪李氏子殺人獻金二萬乞以人代償持不可拘之急不獲乃故密語人曰殺一人而耗其二萬金死者有知怨亦解矣但一出就質眾詞無異吾不深求也豪聞遣子出執法如前莫不懼服逾年制府以清遠盜賊充斥檄往治盜逃之他邑桴鼓無警會英德匪徒專覺部議鑄級制府奏雷得請令攝欽州州境自龍門踰松逕山迤海而西至白笠嶺百餘里皆沃壤明毛伯温征回

五崗盡其地歸粵南夷民居者百餘家稱其先實伏波將軍所遺戍卒內地民往墾田至數萬頃歲輸微息於夷民夷民黠者覬其利以升科請願輸五千金助官源準謂僚友曰凡言利必先究思其害今日夷民無多措置誠易但吾民墾此田數世室家聚守一旦授之他人稱為佃戶則予奪之權在田主田主坐收重利吾民日以貧困流離或爭鬥有罪逃入海中種種為害且是區區者於國家不過太倉一粟置之度外已二百年今忽利之納諸版圖若大體何彼粵南土目寨向設於江坪水陸要害實與我龍門相控

扼海賊之擾始移寨退據砦街砦街形勢在內地則與我南柵門相峙在海面則與彼白麟尾相護今我遽自松逕山至白笠嶺添設汛弁粵南若借以為辭且生事端矣聞者憬然其計慮深遠多此類補陽山令一歲餘病卒源準喪母後病腹痛痛即腹欲裂遭大父喪出營葬費至一廢寺傍痛作大呼投地而殞若有人蹴之者曰起起所患頓失性儉素食無兼味居官日雖嚴冬未嘗重裘妾侍裙布而已行義不問有無族中孤露為教養嫁娶者十餘人待以舉火者幾三十家敏於為政事至立斷及卒陽山民奔走哭

弔若喪慈母對母

劉佐國 字公弼號龍頤恩貢幼失怙事母甘孝母

沒廬於墓蔬水三年師事兩兄佐清佐乾至老猶坐

立惟命兄或怒即前跪受責于宋五子書有獨悟嘗

作性說曰天所賦之理謂之性猶人所居之舍謂之

宅性合仁義禮智信而成猶宅合柱枋門窗壁而立

也舍柱枋門窗壁無以為宅即舍仁義禮智信無以

為性常試譬之仁柱也義枋也禮門也智窗也信壁

也蓋于上精氣之渾含也基于下寸心之承載也雖

其間氣質有美惡而君子善反之則所以為性者無

遵義府志 卷二十四 列傳二

聖

不一猶材木有曲直而良工善運之則所以為宅者

無不同是故有是宅而後可以樂吾父子安吾兄弟

處吾夫婦寓好吾朋友居王土為王臣而君臣相維

繫焉至于柱之有大小枋之有長短門之有前後窗

之有左右壁之有上下則又仁義禮智信之詳且悉

非一言所能盡也佛老之言性也空是指虛空而曰

宅而眾人值其宅壞則又曰性惡曰善惡混是皆未

得乎宅之說云爾主是宅者時而脩葺之存天理務

藩籬之整密過人欲絕宵小之窺謀父子親君臣義

夫婦別長幼序朋友信庶幾居之安哉不然朽一柱

壞一枋缺一門陷一窗破一壁且不得為宅况不孝

不弟不忠不信聲色貨利剥喪天良猶之任風雨之

漂搖而日傾圯耶哀哉失其性奚以為人失其宅奚

以庇身佐國持已嚴而外和易鄉子弟多從之學部

選授教職辭不就年七十三卒所著有自娛文稿略行

集文

王槐森 字毅軒以中子歲貢天性孝文事母葛氏

至八十五歲始卒與兄槐蔚終身同食怡怡如也善

詩工書法遵義詩鈔

王青蓮 字希白號香湖恆子嘉慶壬戌進士改庶

遵義府志 卷二十四 列傳二

聖

常散館用知江南崇明縣遷督糧同知擢江寧知府

陞山西冀寧道廣東按察使晉山東布政使卒年六

十三青蓮自為令以賢能稱道光三年水松江屬尤

甚大吏特假以華亭印當七月之任禾稼漂沒民聚

以待斃乃急請發錢粟且倡義賑民以免流亡崇明

十洩海運稱難治洎還任而糧無延艘七年委以同

知總理挑濬吳松江起青浦井亭渡止上海曹家渡

凡萬八百八十九丈用帑二十九萬九千兩有奇工

始終四月廣濶深通常濫原估啟壩水刷淤立盡遂

為永利十年守鎮江時兩淮方議改鹽政檄查辦場

竊獎悉得復往湖北勘鹽船散論事諸富商憚發其  
奸私致巨萬為壽意緩頰怒揮去而置如法條陳大  
府四事曰法禁船脚私帶曰飭商慎選船廝曰嚴定  
緝私考核曰委運減價敵私凡數千言利病了了咸  
採入告著為例十三年以冀寧道權臬篆時蒙古達  
喇特旗甲喇納令持古斯招耕本管牧地貝子達什  
多爾濟往勘逐致傷二等台吉薩吉音雅事

聞詔山西巡撫鄂順安選明幹道員會同歸化副都統惠  
顯審辦青蓮與歸綏道馳會獻於薩拉齊廳之包頭  
鎮皆欲重問耕人媚貝子青蓮曰漢民私墾實蒙古  
遵義府志卷二十四 列傳二 巽

得錢所招惟首滋事當從重餘遞籍枷示足矣且當  
免追租入官資旅費諸人不能難卒從議定讞是冬  
特賜召見奏對皆稱

旨返任晉按察敬慎庶獄冤抑多所平反旋署布政事山  
東布政

命下未即發藩廨有大樹中夜仆時舊疾方愈以悻復作  
遂卒青蓮在京改官時得母何病耗四十日走八千  
里比至不及見平生每言及未嘗不流涕尤篤宗族  
立義莊以贍族人貧乏者脩族譜建宗祠聚族子弟  
聘師教之省場添設號舍邑作贊富郡設郵幼堂皆

千金贊之無難色著有金粟齋詩文行世莫與儔撰  
弟青藜舉道光乙酉順天鄉試

王廷葵 字愛園恆從子嘉慶辛酉拔貢朝考以知  
縣用分發福建歷署順昌福鼎等邑所至有聲繼補  
莆田縣丁母艱歸服闋仍補莆田邑故繫上治年餘  
訟庭無事因修馮公隄見木蘭陂南北岸墮東角遮  
浪海堤皆圯慨然以興利除害為己任莆田環山貫  
海唯中央平疇分南北兩洋沿海築堤以為障木蘭  
陂者下截海潮上障諸溪陂右疏二渠灌漑南洋三  
十餘里田畝繞諸山為大溝七小溝百有九立斗門  
遵義府志卷二十四 列傳二 巽

潦啟旱閉東角遮浪二鄉者皆逼海當大潮之衝無  
山為之蔽昔人因其要害為隄以禦潮而護田又  
於陂右隄首立萬金斗門分漑北洋田畝使永春德  
化仙遊滙三百六十澗之水灌田四十餘萬畝分食  
其利隄苟不壞則陂不損而溝渠亦無庸濬其制自  
宋始元明代有修葺嘉慶之季且潰且塞鹹潮害稼  
民不聊生賦無所出廷葵乃先治木蘭陂通邑人捐  
輸得銀四萬餘兩日興夫七八千人南北岸之堤堅  
修之大小百餘道溝渠深濬之三月而工竣督撫優  
敘入奏廷葵又謀築東角遮浪兩隄日兩隄與木蘭

相表裏隄不築破雖修渠雖清無益也百餘年來  
築屢壞皆由工鉅費絀苟且爲之奚以久今不必海  
濫每歲秋濤盛漲二鄉之人老幼皆登陣而守不  
於溝壑者幾希乃大議捐築自傾貲萬一千有奇  
紳民爭來襄助廷葵爲究其易敗之失三揭其要  
二分其程目二十定隄勢固隄身立隄址實隄腹  
者視舊增二尺廣者視舊增三尺東角隄七百四十  
一丈遮浪隄四百二十三丈工始道光乙酉十二月  
成於戊子四月用銀十四萬有奇用石四萬九千五  
十七餘悉稱是千餘年水利賴廷葵復其舊督撫  
遵義府志 卷三十四 列傳二 哭

以功奏

命以同知直隸州充補旋卒年五十二卒之日宦囊空如  
大吏憫其廉紆其連莆人言者皆掩泣焉王青逆撰傳  
宦廷銓 字持平號衡園儒童孫少好學讀書小棋  
十年不下有所思至忘寢食嘉慶辛酉拔貢戊辰以  
署廣順州學正舉於鄉授印江縣教諭壬申縣大饑  
斗米三千錢人食樹皮草根皆盡廷銓請令發粟不  
聽乃自捐三百金爲紳耆倡其得數千金貴賈賤  
以濟窮者及金盡新麥以登民全活甚眾旋大  
者相藉廷銓復倡捐施棺顧築不繼以紳薦一

但掩埋先後不下數萬家以此中落了五六吏  
知縣薦因病告歸年五十七卒廷銓爲詩秀鍊有  
書畫亦善譜家

張書紳 字心泉極子幼即嗜學諸儒講義獨探其  
精爲文宏放暢所欲言中嘉慶甲子鄉試五赴禮闈  
不售益鑽研經解所見日深從遊者多登甲乙榜友  
教於近今稱盛云年五十卒其弟書巖友愛甚篤試  
禮部歸中途聞書紳死氣絕者數至家悲不已亦卒  
書紳著有周官輯論毛詩輯論春秋輯論略

夏國琦 字璞庵號小韓父文炯貴陽舉人訓導郡  
學生國琦遂籍遵義國琦爲諸生時才名噪甚學使  
顧皋胡攸並賞異之嘉慶癸酉拔貢成均道光壬午  
成進士即用知縣籤掣湖南初署藍山縣事縣多  
人漢奸因緣其間嘗滋事搖山向有搖官二員至是  
且陰令搖人出擾國琦嚴禁漢人不得擅入搖山稟  
請責成搖官定約束章程縣遂無搖害旋補知攸縣  
教民耕種諸法添設書院膏火一切推誠士民化之  
丙戌夏發蛟水斗漲數丈民居官舍盡沒死者近萬  
人乃急捐廉勸倡設粥廠置義塚搭蘆棚賑民掩骼  
事事周至詞湖撫來勘災撥發銀米賑貸國琦歷四

遵義府志 卷三十四 列傳一 哭

遵義府志 卷三十四 列傳一 哭

鄉清劫戶日田畝月餘心力憊極病卒于署年四十一當文炯之死于獲鹿縣任也貧不能歸柩國琦方為秀才嘗泣血無如何積緡穀得二十金必北去歸柩邑令張人龍壯之助以五十金即行至黃河冰初合念資將盡不能守凍遂履薄冰渡至河心一白鬚人止之曰前是即陷矣因教以繞道忽不見人以爲孝思所感云狀行

正安州

楊應麟 字吉庵先世麻城籍卜居正安州天性仁厚嘗從亂軍中救虜略者二十餘人拾遺於道訪而

遵義府志 卷三十四 列傳二 哭

還之晚年屏跡林泉究心易理著有易經辨我二十

五卷

鄭宜 字垂裳弱冠爲諸生家貧書耕夜讀嘗以

州自改流無以科目著者而羅雲師輩又以州無人借籍取顯蓋肆力經史嘗終夕不寐知州汪曾垣過

其門召見叩其志曰宜得爲珍州再從周足矣汪大

喜曰果爾余當迎君於駟馬橋後果中康熙辛卯四

川鄉試汪迎之如約顏其楣曰破天荒自後設教里

閩弟子歲常數十州人知力學取科第者皆宜倡之也

韓之顯 字昭文生而穎異喜讀書行不少苟簡事親最孝爲程執深得先型領乾隆癸酉鄉解三試禮部不售里教以終年六十五

張尊 歲貢所居德溪里地僻無師年十五始就學卽慨然有化俗志積年研究於宋五子書深有所得三十後廣招學子以邑人學無根源徒窺襲程藝以倖弋獲故立教必以明義理爲宗從遊者無論貧富皆不取束脩親鄰有貸不償亦不問每歲終必聚鄉老幼教以孝弟力田同里近百家五十餘年無爭訟尊之化也卒年八十一

遵義府志 卷三十四 列傳二 卒

韓品金 字朝元恩貢家貧八歲時其父外出以新

歲往賀族伯伯不禮告母張曰兒不讀書終身不獲

出人頭地母遂命往從鄉先生學品金勵志刻苦囊

王蜀黍粉水和之供朝暮食夜常乞友朋燈校油誦

讀達旦年十五六與人傭關荒藏書懷內每先眾傭

往眾傭後卽略止出書讀之至仍藏前走復取讀常

逐火伴往涪州羊角磧白馬鎮等處背鹽歸賣鄉市

以供母及弟妹朝夕需偷隙讀書亦如傭時年二

十九欲應試往姊家借衣姊以家赤貧勸阻是年遂

入學旋食廩餼藉館膳終其身受業成弟子員者近

二十人卒年六十九並公舉事實

桐梓縣

侯朝柱 良柱弟由陝西入籍桐梓順治十三年以

千總從征打箭爐有功封武德將軍公舉事實

李晉 字冀一康熙甲子舉人官廣東靈山知縣

博學多通創纂桐梓縣志為雍正間邑令邱仲坦所

修藍本著有伴鐸吟集遺句云家貧莫望因官富質

淺方知借古深可以見其品學子銘詩字樵廢歲貢

著有詩文集遵義詩鈔

藍田 由恩貢官湖廣武陵知縣歷陞知荆門百

遵義府志 卷三十四 列傳二

至

隸州丁憂後陞江南鳳陽府知府護理鳳陽道告休

主講敷文書院及郡之湘川書院前後裁成者眾卒

年九十六

傅同人 字于野雍正癸卯舉人父之巖字來築貢

生以學行稱詩文人爭傳誦同人孝友端謹言行必

以禮義一日在館聞繼母病馳歸至中路遇一虎

之曰當食則食不當食則去虎垂頭去之

蘇公泗 乾隆庚辰副貢官福建永福知縣告歸年

八十餘卒公泗品學俱粹肄業國子監時有同邑副

貢金正品在都病死徒步數千里歸其親人以爲難

趙式訓 字近光乾隆戊子舉人以大挑補直隸曲

陽知縣陞雲南大關同知歷署湖北浙江知府及浙

江糧道告歸道光戊子重宴鹿鳴式訓當官廉慎居

家恂恂一老書生任襄陽知府時值大兵勦白蓮教

匪式訓凡鞠得脅從者悉白大吏宥之賴全者眾雲

南有謀殺置尸於桶者久獄不定式訓勘得其情

置之法時有青天趙黃桶之名

趙式謨 貢生少從張甄陶遊好學不倦教授里中

成就者眾

曾翁受 字虛齋乾隆辛卯舉人官湖北崇陽知縣

遵義府志 卷三十四 列傳二

至

嘉慶元年白蓮教匪為亂官軍勦之獲賊甚眾時翁

受隨營審白冤民數百人悉釋之

馮振先 乾隆庚子武舉官終貴州上江副將初從

征安南經略孫士毅深器之其從征湖北黃栢山賊

帶兵三千追殺賊七十餘晝夜賊平獲婦女老稚及

脅從者悉釋之因獲譴後額勒登保予開復並諭諸

將以振先為法乾隆已酉正安州火州牧校官適公

出滿城皆燼振先署千總事學宮監獄賴保護獲免

在上江時營虧項二萬三千有奇前官皆畏難遷就

振先曰是虧公而擾兵也稟請查辦賣家產助賠公

私利之嘉慶子末山東膠州大旱餓殍盈野振先時  
署副將與州牧商稟請賑計需時日因勸富紳孫某  
施粥以待所活無算州人立祠祀之以老乞休

傅代鐸 字牖堂乾隆癸卯舉人家貧館於外忽心  
動馳歸父病方劇割臂療之後官山東臨朐知縣清  
慎自持在任三載改教職歸買田納學為邑人錄遺  
費

趙毓駒 字盪溪武謨子乾隆壬子舉人大挑分發  
山東嘉慶十八年曹滑教匪謀亂事未發毓駒偵獲  
其黨詢得賊首林清姓名住籍奏入授陵縣知縣卓

遵義府志 卷三十四 列傳二

署

異陞臨清州知州有戈二者滑匪餘孽也稱千人敵  
賊平匿朝城一紳家謀負固復亂東撫檄毓駒往捕  
至朝城邑令阻之曰此歷任所不敢問君之命豈獨  
輕耶毓駒曰某命誠不輕如君言則終聽之耶令不  
敢復言亦不敢偕往問帶役若干毓駒曰合朝城兵  
役不足敵一戈二某與四輿夫一老僕去足矣遂去  
未及境聞銃聲轟然夫僕無人色毓駒談笑自若甫  
入莊門有冠帶率荷戈者數百迎道左毓駒直至堂  
下輿冠帶者即某紳也來謁笑曰公此行某知為戈  
二戈二果在此然公何以擒之毓駒大言曰汝本好

漢未識朝廷大體故藏奸罪已重我今日來汝不獻  
戈二我必自往擒汝必先殺我若是早晚大兵來汝  
家無噍類矣紳嘿然久之乃曰公言誠是設某獻出  
戈二自累奈何毓駒曰得渠魁務從者且有况汝獻  
名賊功矣又何罪紳叩首曰唯命雷欵既徹喚戈二  
前則偉丈夫也叱之曰汝即隨趙官去戈二曰諾毓  
駒謂紳曰盍縛之紳笑曰彼去何縛若不去縛無益  
也即從毓駒輿後去及城令驚喜曰我為公一日不  
食矣毓駒為人有胆識居官禮士愛民不畏權貴數  
平反疑獄卒於任歸之日民有哭送至百里外者署

遵義府志 卷三十四 列傳二

署

濟寧時有宰相猶子以苞苴進毓駒返其物附以詩  
云昔年辛苦實難忘况有兒孫望顯揚我愛楊公四  
知語告天清夜靜焚香其人大沮遵義詩鈔  
曾廣涵 字納嘉慶庚午舉人官山西孝義知縣  
有孀婦梁常氏其翁餽金三千求判改嫁不受為立  
嗣以成其節年五十五卒於官  
趙鳴枝 字梧岡道光壬午舉人制行不苟力學程  
朱嘗著佛道論戒子孫勿崇二氏以為家法並公舉事實  
綏陽縣  
盧世選 字占孚博學精易數性至友愛為人正直

里有非理事惟恐選聞嘗於旅舍有婦頻窺至夜婦

入相挑選峻拒之秉燭危坐至旦路拾遺金待其人

返還之康熙丙午中鄉試五十五年入祀鄉賢續陽志

黎庶瞻 字以德貢生八歲喪父事母至孝剛方正

直言行不苟康熙五十五年入祀鄉賢

王紹堯 字銘哉邑庠生博學能文吳逆亂後絕意

仕進邑人稱銘哉先生

陳仔 字肩樵康熙已酉舉人博學尚氣節性剛

直寡交遊鄉人罕見其面閉戶著書力學篤行倡明

理學著尚書約旨六卷祀鄉賢並同上

陳明經 字克常康熙丙午鄉薦孝親睦族獨介寡

營僻處深山不入城市者十餘年任咸寧令潔清自

勵絕暮夜金躬先教化一變四民剛暴氣習對兩造

度理揆情輦而入者罔弗躍而出之鄰邑負枉控上

官願發咸寧令者曰紛投明經嘗語人曰民罹於法

哀矜不暇可運擊斷誇明察耶即命盜大案不能使

吐實跡輕用夾搜愚矣可假以催科快喜怒耶偶值

蝗患齋出舍步巡原野痛哭呼籲蝗即飛去鄰邑民

圖其像徧遊田野間曰咸寧陳父在此蝗亦不集辛

未全陝大饑詳請賑濟生活無算收育遺嬰九百餘

遵義府志 卷三十四 列傳二 五

口時發帑招撫流亡分給牛種明經與尉吏誓曰此

役中飽一文上欺下虐子孫不世事竣督撫奏聞加

十七級留任十三年以逃犯罣誤歸里咸寧及鄰邑

父老號泣相送入棧達蜀境無何陝民閤訴墨吏扣

尅牛種銀兩明經赴長安對讞方至寶雞咸寧民陸

續舉旗來迎曰陳父來矣訊供時咸寧萬人同聲稱

陳父仁廉願還我陳父天使愕然謂諸扣尅曰何不

為陳咸寧遂保舉授山東下河通判以勤勞卒祀鄉

賢子六孫十俱列文行衣冠向廷廣別號春麓始於

楚遷於綏遂世家焉自幼篤學沈潛燕處衣冠細行

必謹生於崇禎壬午康熙甲申孟冬卒於下河歸葬

宅東二里撰墓表

王道長 字吉人諸生家貧力學不伎不求種竹栽

花曠然自得邑令張最數造其廬顏其室居易軒續陽志

任聖時 諸生性至孝友因亂遁跡隱居邑之黑金

坪數十年不出戶年九十五卒

周易 字祖義貢生恬淡好學教授生徒終日危

坐與人有禮雖盛暑不去衣冠不好宴樂人無智愚

皆敬禮之年八十卒

遵義府志 卷三十四 列傳二 五



鄭之命 字四長幼孤日夜對親主涕泣讀年十六  
爲諸生博學篤行值爲變隱居不出逆平授新津縣  
訓導教諸生先德行人文蔚起解組時年八十猶力  
學不倦

周鳳翔 字若雲乾隆丁巳進士幼聰慧十歲喪父

奉母至孝游庠後學使晏斯盛以孝友薦不就通易

善醫能詩文八分小篆及山水色調無不通曉並同上

楊駿烈 字行知號馭世乾隆乙丑進士官直隸廣

平知縣在任四年告歸廣平蘭翁河額糧一千兩有

額無地駿烈力白上官奏請豁免縣人於河上建楊

遵義府志 卷三十四 列傳二 五

公祠祀之卒年六十四

李夢蓮 字相白乾隆庚午舉人官直隸東鹿知縣

愛民禮士循良有聲東鹿縣志列名宦

傅汝桂 二歲而孤母張撫成乾隆庚辰進士選授

四川射洪知縣任二載民稱清廉卒於官邑人祠之

吳思陸 字華峯乾隆巳酉舉人大挑改教訓導

安在任捐修忠孝祠招寒士飲食教誨之多成就者

性至孝事兩親晨昏無閒事繼祖母曾割股救之至

壽九十五始終事繼母亦以孝聞

李映林 字蔚菴歲貢家貧好古成就後學甚眾懷

高抱潔 視富貴如穢然工詩文著有蔚菴集並公舉

葉大鵬 貢生勤學有守卒年百一十一歲能詩稿

盡佚有句云山氣白如晝夜光寒上衣詩議

楊存慎 貢生學守兼粹凡與生徒講業必具衣冠

危坐教人以經義爲根柢身體而力行之塾旁一大

樹可庇數十人暑日坐其下令諸生習冠婚喪祭禮

節一日方與諸生講邑令沈鹿鳴過塾外竊聽久之

入而致敬曰先生之經學吾自愧不如也一日知家

人有抵牾謂之曰今日某招飲即衣冠出家人因大

詬旋返而竊聽盡知之乃揚聲登堂家人問歸盍早

遵義府志 卷三十四 列傳二 六

曰吾將近伊家閨門內詬諍聲盡露平日醜態殊笑

人故不樂飲即歸汝曹戒之倘吾家有此真堪笑倒

矣因太息家人感悟相安如初

易道涵 字淵齋嘉慶戊午舉人性至孝父喪泣繼

以血殯於堂事之如生事母張至壽九十三卒道涵

研精經史不苟笑言選授平越州教諭未任卒年六

十四主講洋川書院十一年成就者眾略行

王希曾 字丁南號省齋嘉慶戊午舉人由教諭官

終安徽六安州同知性醇樸父母有怒見之即解友

於弟老而彌摯視猶子如子生平無重味重帛人有

急即傾資救助不少悔居無情容自為秀才即動必以正問里行不善者私相語曰官則非所憚切不可令省齋先生知之為校官二十餘年日集諸生講論所造就登賢書者數十人在六安循分盡職不私謁長官常言聽天安命一生受用不盡妄求徒自苦耳署多隙地種竹數千竿暇即手一編竹間坐宦囊蕭然怡如也年七十五卒於任狀行

遵義府志

卷三十四 列傳二

五

田掄元 諸生少好俠折節讀書行義高甚邑令劉語諸生曰掄元澹臺子羽流也君等讀書力行當法之邑之重建 聖宮文昌廟董庀咸出其手公並

舉事

余秉鑑

字永壺歲貢幼或失父母意即涕泣跪請

罪非命之起不起及長舉動必軌於正家貧即教里

中其父館於四川秉鑑每歲十二月解館即馳省臘

盡而歸如是十餘年無間入學後赴蜀婉委以迎歸

意求父遊好者旁解其父必欲遲數年秉鑑至屢涕

泣乃偕歸待弟三人以友愛開教人首孝弟次經術

遊其門入費者幾百人年七十一卒道光丙申邑令朱右賢率秉鑑及門數百人為建德教碑狀行

吳湘

諸生言行不苟教弟子以身行為先凡過其側者必整肅衣冠與言必慎唯諾生平所讀書皆手自錄八十餘猶作小楷年九十一卒公舉

仁懷縣

卞運昌 字太和前明廩生世居蜀之江津甲申避地因家仁懷之生界少以仲閔聞三黨與妻陳由壯

至老歲至江津掃墓悲號數日哀動村墟及衰遣子代往必悲號送之餐蔬俟其返逢忌辰素服祭奠涕

遵義府志

卷三十四 列傳二

卒

泗失聲如初持桐竹時嗜學喜博綜每閱史遇張睢

陽陸秀夫文文山諸人潸然隕泣遇李林甫秦檜輩

輒髮上衝冠罵不置口平生抱恨滄桑林泉寄傲值

滇氛或勸可出運昌拒之曰吾不能持長劍斬長蛇

封豕顧不若舞馬弄猴乎居鄉濟困扶危某媪某嬰

哺煖之垂數十年某孤男某孤女為婚之嫁之某某

無主樞為厝之某某負租而貧憐而焚其券代之輸

處江湖而抗懷獨善類若是年七十六卒次子貞康

熙巳卯舉人

向廷康撰

任震遠 釋子偽永歷招令襲父職不就時稱節士

遵義府志

卷三十四

列傳二

李

子珍已諸生早卒遺孤亦公甫七月母袁氏守志養且教學成爲名諸生凡鄉里聚會游燕或衣冠笑語不檢亦公至人輒肅然卻避不妄交交即終始不渝好諸名士往來其家或匝月不去禮之無倦容又善醫按方書爲藥以施人好成人美族黨子弟稍穎異者令來家就學貧不能具脩脯者爲之措置即衣食亦解推焉始終無德色朱佩述撰家傳吳省欽任氏述德詩云仲連拒秦巨游抗述邁時孔愍守已斯吉父擅將才子賢儒術偽朝盜兵卻聘絕筆匪悼爲犧匪伺爭鵠我節如山人心以日高義嶙峋清流冽凜司戶右

丞厥身先失震母也矢志而未逮旌拘限年格晦苦節貞總帷蕭蕭練裳惇惇門無近親室有弱嬰疇任郵廢而虛侮行之死誼亮未亡禮明曉促課業宵閔哭聲推袁此事玉光永清袁彼高才生繫寡婦子壞帙是承直鉤可使審機轉喉擇地布趾修修鶴潔舉舉鵠起豆邊秩如脩脯藐爾存濟物心抉活人理殆彥方徒或伯休比喆嗣逢時論余述誅公鄭之僑家貧力學以孝友聞中康熙壬辰進士授翰林院編修未幾告歸閉門殫精深究程朱之理臆然有得榮利澹如無子著述俱散失

遵義府志

卷三十四

列傳二

李

張衡 幼奇窮常與人借書讀一過目輒不忘中雍正丙午鄉試親友咸贖之令赴禮闈衡曰高堂歲暮倘不諱即幸博一第何補因授徒鄉里歲得脩脯以豐旨甘自奉寒暑一敝袍而已並公舉事實卜慶藻 字水衡號雪齋運昌孫自序先世出晉卜壺甫十歲父母俱喪惟兄嫂是依性警敏讀書一目數行坐臥一樓非飲食不下領鄉薦三上春官不第教授里中請業者不遠千里痛弟慶潛補弟子員早沒刻訓其子霖卒成鄉貢人競稱之慶藻尙氣節見義必爲兩姊一適許一適安并孀守數十年爲請旌

建坊式閭里里有鹽井河當孔道懸崖數百丈水深且湍激多石舟不可渡舊有石橋水圯行者阻焉邑令商之慶藻慶藻募遠近得數百金持歸一武生賊數也鳩竊去賊賊俱獲矣賊潛賄府以慶藻誣良報部部嚴駁經三年部催覆亟仍以原擬進奉旨不准自督撫至府縣及承審官皆降三級無可降者革職慶藻亦罷去舉人後遂遍歷名山川足跡幾遍天下因迎

鑾江南給九品頂帶嗣入都具呈傅忠勇公忠勇具奏代白寃仍以知縣補用旋卒於京任思正撰傳

遵義府志 卷三十四 列傳二 三

十雲龍 字起田號潤蒼慶藻孫慶藻通經史在京師買書數十百部遺囑縮衣食費買此子孫其寶之雲龍長能盡讀乾隆己酉成進士由翰林院庶吉士改戶部主事嘉慶九年補雲南武定直隸州知州歷署開化順寧知府所蒞頌聲載道在開化時文山令主綱以虧庫免官死於獄遺孤女年及笄人知其淑爭聘之雲龍主力卻擇同鄉李錦麟者妻之後錦麟官廣西提督此女封夫人彌勒樂姓祖塋為蒙佔訟十餘年不決雲龍判直樂此塋子孫製一爵銘曰彌勒樂某合族頂祝躋堂稱獻嘉慶十二年暹羅所屬

濟願還我熊父母其得民如是卒解任士民斂錢資其歸行 任思正 字廣平號舒軒永公季子幼失怙隨諸兄讀乾隆己卯以拔貢舉於鄉大挑分發四川以器識見重大吏屢攝繁劇所至振興文教有惠聲在江安復義學田在興文置錦繡書田蜀人士至今稱之署會理州時州牧羅以先人賠項卸任時無力措繳自請查封任所衣物變價思正捐廉籌措代為完解又為經理其妻之喪人咸服其盛德嗣題補什邡知縣旋調署西昌值小金川用兵檄辦軍需銅鐵鹽糧並探買馬匹諸務應期畢就而民不擾先是邑民承種營廠田所收不敷租民苦之思正力為分晰勘以廠田仍歸營牧馬民困以蘇在什邡修文廟廣書院撥遵經閣田為膏火資丁酉分校鄉闈得人為盛歲值米貴以社穀之半借給糧戶以半減價平糶冬則製棉衣以施貧寒被澤者甚眾思正兼通堪輿書以父母葬地未宜卜數年始得之及啟柩均水濕因改殮權厝已有年至是諸兄以思正屢乞歸不許遂改葬思正以未親與聞信驚號心常忽忽如有所失又因積勞得疾卒年六十三思正惠政及民及歿聞者皆

失聲恸還日素服郊送者數千人子銘韓附貢孫清

臣舉人王惟詢撰傳

鄧國學 幼父母俱喪力貧苦學中乾隆乙酉鄉試

授徒里中先以力行從遊者多所成就選授河南尉

氏知縣居官以廉勤自勵愛民如子庭幾無訟後告

歸民送者皆泣下年八十餘卒鄉人至今道盛德不

衰略

遵義府志 卷三十四 列傳二 六五

子志卷三十五

傳三 忠節 孝友 行義 藝術

忠節

明

周 正通志作鎮按陳志選舉作正與高 郡人萬

歷戊午科武舉歷功任直隸遵化參將崇禎己巳

大兵入大安口正戰死之陳闔家殉難事聞封墓贈祭

按劉時俊淪城功罪紀略俊使將官周鎮傳諭石永

高永高遣其親信土目樂富出降亦有意殺樊龍矣

據此天啟二年復重慶正亦與有功

遵義府志 卷三十五 列傳三

王 達 郡貢生除湖州府通判值安奢反情亟桑

梓就武棄文改貴州都司職恢復遵義進勦水西同

黔撫王三善殉難大方奉旨卹贈祀祭貴陽忠臣廟

子夢麟以靖難由呈本府常三錫准從祀鄉賢陳志

袁 壘 仁懷人官遊擊天啟二年死奢寅之難勅

建忠勇祠祀之事詳工官傳

陳王謨 郡人總兵陳一龍子任撫標中軍授副將

職崇禎十年流寇自陝陷蜀謨督兵禦賊血戰死之

請於朝祀祭忠臣廟官其弟王政為千戶陳志殉節諸

臣錄副總兵陳王謨乾隆四十一年

賜諡節愍

按綏陽柳公祠有舊碑為萬曆壬子建其題名有生員陳王謨知王謨乃綏陽諸生

傅學明 綏陽人任廣西都司征猺戰死贈榮祿大夫

志 綏陽

何忠 綏陽人任成都府教授甲申張獻忠陷蜀

忠夫婦對縊於署上

陳元二 綏陽人姚黃賊犯綏周宗彥與賊戰城外

元二死之今其地名棟戶橋即死處也

王選 王之琴 冉國柱 皆遵義永安里人應

遵義府志

卷三十五

列傳三

二

知縣王佐聖募為鄉勇頭目吳上賢之寇各率家丁

鄉兵禦於宣峰堙眾寡不敵皆力戰死崇禎十五年

四月也越月里人建祠於戰沒處以三人配食佐聖

請於叛黨絕業中給近田三十畝以供祭賽

列傳

國朝

劉祺 綏陽人弱冠請纓忠貞自許順治四年大

師抵遵祺率兵效順委以參將職協守遵義適涓龍

殘寇猖獗祺以孤軍禦賊於昌蒲塘血戰死之順治

十五年復遵士民公呈府懸獎以烈先開闢忠著巖

疆云

陳志

李篤生 綏陽諸生本姓程

大兵平蜀篤生詣京師上書授爵慶令陞江西寧州知州

耿逆之亂攻州危急篤生遣子懷印走南昌身殉城

死賊平蔭其子

志 綏陽

李成芳 郡人田選貢官江西寧州州同值吳逆叛

芳領兵禦賊遇害事

聞贈布政司參議遣官致祭蔭一子入監

志 陳

江紀 遵義武舉官雲南守備乾隆三十一年調

征緬甸以十二月十八日與賊戰尾霸兵潰死

遵義紀聞

周華 郡人長寨營把總從征金川攻昔嶺陣亡

遵義府志

卷三十五

列傳三

三

題祀原籍昭忠祠

張起雲 郡人仁懷營外委從征金川攻師刀安山

梁陣亡題祀原籍昭忠祠

杜榮貴 郡人平越營外委從征金川攻沙耳泥如

寨陣亡題祀原籍昭忠祠

張玉魁 郡人遵義營外委從征金川攻達爾圖山

梁陣亡題祀昭忠祠

王全 郡人平越營把總從征金川攻木思工噶

喀口山梁洞卡陣亡題祀原籍昭忠祠

張文鰲 郡人畢赤營把總從征金川攻資哩寨陣

亡題祀原籍昭忠祠

楊萬玉 郡人遵義營把總從征台拱攻台雄陣亡

題祀昭忠祠

杜雲龍 郡人遵義協右營外委嘉慶元年從征小

竹山逆苗陣亡二年四月題祀昭忠祠

詹廷才 郡人遵義協右營把總嘉慶二年從征興

義逆苗閏六月初五日攻馬鞭田陣亡三年五月題

祀昭忠祠

王志德 郡人遵義協左營把總嘉慶二年從征興

義逆苗閏六月十二日攻黃草壩陣亡三年五月題

遵義府志 卷三十五 列傳三

四

祀昭忠祠

嚴文章 余允仲 並郡人遵義營外委嘉慶二年

從征興義逆苗閏六月初八日攻馬鞭田陣亡三年

五月題祀昭忠祠

康謨 郡人平越營外委嘉慶二年從征興義逆

苗六月初五日攻黃草壩陣亡三年五月題祀原籍

昭忠祠

李登雲 郡人仁懷營外委嘉慶二年從征興義逆

苗攻葭寶祠陣亡題祀昭忠祠

張文魁 郡人遵義協右營把總陞安義鎮標千總

嘉慶三年從征湖北教匪二月十二日攻沙溪灣陣

亡四年六月題祀原籍昭忠祠

張朝甫 郡人遵義協右營把總嘉慶三年從征四

川教匪六月二十日攻蘭壩場陣亡四年六月題祀

昭忠祠

曾之義 郡人仁懷營千總嘉慶三年從征四川教

匪五月十三日攻青岡壩陣亡四年六月題祀昭忠

祠

趙榮 郡人貴陽營把總嘉慶三年從征四川教

遵義府志 卷三十五 列傳三

五

祠

楊洪新 郡人湖北竹溪營遊擊嘉慶四年調征四

川教匪十二月二十九日戰於新寧縣之野鴉池陣

亡五年閏四月題祀原籍昭忠祠

熊泰 郡人遵義營外委嘉慶五年從征陝西教

匪十一月十四日攻五郎廳之四畝地陣亡六年七

月題祀昭忠祠

陳安邦 遵義縣武舉隨本協右營效力道光十八

年冬從征仁懷縣方家溝陣亡二十年題祀昭忠祠

李舜等 乾隆六十年從征銅仁逆苗陣亡遵義

兵丁三十三名李雲蔣雲魏國臣余得陳起祥楊元  
戴剛梁福徐建敖李良才康洪義謝雲崔廷柱王順  
邦蔡倫周奉李永元汪貴楊朝貴姜明皮元貴張國  
成李文耀趙洪遠朱聖雲程魁何林李大貴孔林陳  
茂連王開泰宋雲宗劉勝萬嘉慶二年三月題從祀  
昭忠祠

曾之貴等 嘉慶元年從征小竹山逆苗陣亡遵義  
兵丁七名曾之貴姜學賢王斌李向榮趙茂劉雲楊  
能信嘉慶二年四月題從祀昭忠祠

張 倖等 嘉慶元年普安營從征小竹山逆苗陣  
遵義府志 卷三十五 列傳三 六

亡原籍遵義兵丁五名張俸杜如柏方朝佐王文彩  
嚴廷祖嘉慶二年四月題從祀原籍昭忠祠

張 文等 嘉慶二年從征興義逆苗陣亡遵義兵

丁三百六十四名張文曾之信朱文進劉現倫周金  
堂余臣吳雲劉福熊學元芑天位王自成蔣清徐光

祖史思禮黃永貴張永德傅永星文陞湯雲朝余相  
鍾正揚李正國蘇雲貴鍾榮先王永詹廷標馬貴鄧

朝志張文奉李銘謝國松趙洪得張得趙定遠陳正  
相楊兆魁周國相黃倖趙毓純王國卿戴廷用姜正

元王維林王文明王全王從讓胡士龍張國林周

國世羅懷勝李如明王澤雲陳國申呂全田太和郭  
昭何王余廷邦姚文貴周倖奇皮元福陳容馬正邦  
李洪元王奇奉徐在位吳王朝汪金堂劉自洪蔡國  
柱周貴奇龔聖誥任宗會曾奉先王如啟楊國璽韓  
奉連田洪順鄭學忠趙林張文華劉朝佐唐國明張  
國才周廣世李倫郭開文萬應舉姜雲王國奉王從  
義何文輝邱世雲曾之龍楊信李洪得潘貴高貴傅  
克倫陳子新周世祥張明德陳泰李天祿康義魏得  
志張華清余思得趙得華賀運元李得勝程金榜楊  
志貴張天福鄧文魁唐子安吳廷棟石顯貴陳殿世

遵義府志 卷三十五 列傳三 七

魏之洪趙啟盛劉才黎正乾孔貴冉雲王得文姚文

玉易倫姚文魁胡占得蔣輝祖張啓瑞唐文理范汝  
福龐登舉李世雲胡林夏邦興鄭文光張蘭芳鄭華

陳文王洪李士聰楊登朝任宗貴李正雲范正理鍾  
大任孫得方胡開相唐子寬謝玉樹葉大明李桂陳

學焦連申楊明李正華謝文華王貴楊珍康倖趙得  
雲羅思明陳正橋劉錦陳維秀趙華席登甲謝貴鄧

朝敏周元惠譚大珩李仕貴呂大銑鄧儒學張玥傅  
代聰李柱周貴劉玉趙宗俊劉起漢毛元理梁廷王

鄧汝桂王思廉郭廷璽陳天奉龐登科胡開盛胡元



遵義府志 卷三十五 列傳三

八

崇石珩尤勝元金洪趙金印吳世雲陳維奉劉正雲  
尹才胡開惠申雲趙啓貴龔以順李占祥蔣林康寧  
傅成得張鳳敖楊申蔣學鄭文亨周元富李維秀黃  
應得周國順余占元張玉貴李秀貴蕭必華丁福李  
起貴王大明李林葉秉義韓奉明邊正相王志廷梁  
奉康訓孔繼先湛玉貴陳文岡李明相徐貴張錦華  
李耀祖劉耀福楊清王元張貴熊玉貴李天成田洪  
道汪純戴得張士高廖一明周雲姚萬有姜國賢劉  
廷宣邱貴梁正倫陳文斌李秀唐源深周道矩夏子  
先陳國珩陳維明胡梅禁全龐登魁王以仁王志新

陳維得李連申張國朝劉宗金玉貴陸光祖席登敖  
劉坤周之奉朱貴劉志貴王仕魁劉起才陳思元陳  
尙倫王連楊成魏雲魏得元胡元成劉朝仲李大朋  
吳世貴廣申熊宗扶聖言任坤吳松陳廷龍李之雲  
劉元劉得先華倫趙毓贊陳方明李作柱劉奉扶聖  
義王如仲王國柱司貴田成姜大順李天福周起雲  
張世選趙桂羅王李全趙宗信李國和任勳康貴蕭  
廷順龍申汪揚周安世龐盛張連葉應元鄧汝猷陳  
大雲朱文榜夏正奇簡昌遂王維龍賈國柱徐仁劉  
起龍祝其玉劉正雲唐新元范廷蘭唐元文周國郎

遵義府志 卷三十五 列傳三

九

馮文開張文明廖應龍龐登祥王以明杜丕基胡開  
栢陳開學陳維林陳殿貴胡開甲韓奉級曾子友黃  
廷舉周祖貴王申陳連張錦貴金雲先冉文文連申  
曾全嘉慶三年五月題從祀昭忠祠  
蕭玉貴等 嘉慶二年從征湖北教匪陣亡遵義兵  
丁十名蕭玉貴楊耳受汪雲馬文貴王正喜陳金玉  
張仕位馬正國刁正貴劉桂嘉慶三年五月題從祀  
昭忠祠  
盧光貴等 嘉慶三年從征四川教匪陣亡遵義兵  
丁六十五名盧光貴王士貴唐世林周昆奇鍾國學

王天貴何正旺楊文道趙昆吳得貴馬應學曾林龐  
登貴楊奇扶天得馬元張登第謝文華馬一貴陳文  
元魏杰徐維奉馮曰才王中貴邊應魁趙凡唐士雲  
馬得榮陳之祥姜世臣廖應山劉陞段子乾王朝貴  
張曰得陳國新唐世位劉方士張成祖傅華王從貴  
葉尚仁李貴張仲姜天貴胡錫貴文在揚孫得勝姚  
明段子達陳安禮曾定魁謝華王占元徐光耀孫奉  
蕭文如劉會萬榮章古玉貴王金貴席元萬張聖祖  
鄭元李瑞嘉慶四年九月題從祀昭忠祠  
王希仲等 嘉慶四年從征甘肅陣亡遵義兵丁二

名王希仲馬正倫嘉慶五年題從祀昭忠祠

劉時泰 嘉慶四年從征四川教匪陣亡遵義兵丁

嘉慶五年閏四月題祀昭忠祠

黃應貴等 嘉慶四年從征陝西教匪陣亡遵義兵

丁二名黃應貴周月和嘉慶五年題從祀昭忠祠又

嘉慶五年從征陝西教匪陣亡遵義兵丁一名余照

元嘉慶十一年四月題從祀昭忠祠

何元等 嘉慶五年從征四川教匪陣亡遵義兵

丁七名何元朱國友王明熊槐羅申楊林王文剛嘉

慶六年七月八年四月兩次題從祀昭忠祠

遵義府志 卷三十五 列傳三 十

韓登舉等 嘉慶六年從征陝西教匪陣亡遵義兵

丁四名韓登舉周元魁梁元申凌志昆嘉慶七年題

從祀昭忠祠

陳章等 嘉慶六年從征四川教匪陣亡遵義兵

丁十名陳章徐光榮何文得陳榮曾之貴張大朋楊

申廖貴黎在貴朱連國嘉慶七年九月四年四月兩

次題從祀昭忠祠

楊希泰 嘉慶七年從征四川教匪陣亡遵義兵丁

嘉慶七年題從祀昭忠祠

戴廷棟 嘉慶六年從征陝西教匪陣亡遵義兵丁

嘉慶八年四月題從祀昭忠祠

曹貴等 嘉慶八年從征四川教匪陣亡遵義兵

丁五名曹貴陳奉李維奉陳福文宗貴嘉慶八年九

月題從祀昭忠祠

盧貴州等 嘉慶八年從征陝西教匪陣亡遵義兵

丁三名盧貴州任福馬申嘉慶九年十一年兩次題

從祀昭忠祠

曾文玉 嘉慶九年從征陝西教匪陣亡遵義兵丁

嘉慶十一年四月題從祀昭忠祠 並楷

遵義府志 卷三十五 列傳三 十一

孝友

明

楊長春 遵義人楊端裔幼以孝友聞長立軍功授

副將明末退隱山林四世同居百口共爨年踰八十

足跡不履城市督耕教子咸有孝友遺風陳志

吳岑 遵義人以公平孝友聞不樂仕進子早亡

撫孤孫教之成名義方之訓閭里稱焉同上

鄭宣 正安諸生其父紹雍病醫視知其不起宣

焚香籲天封左股和藥以進遂愈後父卒枕塊寢苦

廬於墓側陳志

遵義府志 卷三十五 列傳三

李榮祿 父母先後病榮祿割股救之既榮祿病妻

王氏復然王氏病二子俱復然夫妻母子一門敦孝

時人競稱

尹知明 父早喪撫弟知朗知清成立婚配以自置

田業分給之子尚春亦以己產分姪聘娶時稱義門

並同上

余文元 桐梓諸生母丁氏病危割股療之病瘳有

司旌其門祀孝弟四川舊志

張景明 桐梓人其綱子博學篤行與父偕隱親病

輒虔禱求以身代衣不解帶藥必親嘗及父母死哀

毀骨立邱志邱

趙文明 桐梓人性孝友常遇文和道人指吉地與

之曰葬此後必發文明曰若然當與兄弟共之因製

生塋葬親及己與兄弟新採

李神童 綏陽人生五月能言七歲通經義不由師

授下筆成文性至孝父早亡與母相倚母病貧不能

醫典身於鄉豪豪憐其誠而助之母卒不能葬泣血

死時年十一鄉人為之營葬縣令朱由挺表其墓立

祠祀之通志

張顯光 仁懷人母病醫藥罔效晝夜憂泣頂經進

遵義府志 卷三十五 列傳三

香叩禱於神母病以愈縣令旌其孝陳志

附割股救親桐梓庠生李中極庠生王寅庠生令

狐衍王賈良王李郁江先陳朝王方天戟蔡惟忠

並邱志 仁懷李琮陳志

國朝

唐一元 遵義人年十三割股救父以純孝聞平生

撫孤助婚葬賑饑寒由金帛為人贖身還田土不索

償義舉甚多年六十八終陳志

張士傑 遵義人字柱石南川縣籍避亂居遵少失

怙恃惟兄是依行必隨念必候事必請命兄沒諸姪

皆教養婚娶友愛之誼化及一郡通志

王奇爵 郡廩生穎悟能文應歲薦辭歸不就生平

善事親奇爵歿後數十年其間安視膳之節閭里猶

稱述之子又曰登鄉薦通志

李瀛 字萊仙孟生子遵義諸生讀書一過不忘

性嚴介其弟淮尤父母鍾愛嬰重疾瀛割股救之有

遠人爲家傭二十餘歲死計工資斂葬之餘以買田

施茶山渡其不欺隱微皆類此謙

李又青 字尙友綏陽諸生性至孝母病篤諭以戒

葷祈病母卒又青終身茹素爲人恬淡正直見遺金

遵義府志 卷二十五 列傳三

古

於路不顧而去年五十五卒綏陽志

彭琬 綏陽廩生三歲失怙長通儒術與妻楊氏

以善事母聞從兩兄遊成都營膏火給兩兄肄業數

年歸讓祖父遺產悉爲兄有教子娛年凡族中無力

婚嫁者琬夫婦視爲己任鄉黨時周恤之邑令表以

好行其德

黃元旦 綏陽人父母早沒弟四人俱撫育婚配均

給以所置之產邑令以友于兄弟表之年八十並同

趙懋孝 字士孺遵義人幼喜讀書不事操作以諸

兄皆力農乃以已受產讓之終身課徒爲業有鬻族

子爲人奴懋孝贖歸撫成授室割田令自耕以養生  
八十一卒子鳳鳴貢生孫天賦印江訓導天開諸生  
天民副貢曾孫商齡錫齡元孫廷獻亦成秀孝人以  
爲積善之報云

李桂山 字伯襄鳳翔子父病篤割股救之以愈後

復病仍割仍愈其祖瀛平桂山以寒冬樹碣表夜常

伏墻而泣一日有烏數百翔鳴墓上人咸以爲孝感

云子爲進士庶副車

蘇公源 字文湧桐梓拔貢嗣於叔嗣母性嚴每不

悅即撻之公源必跪請罪或半日或終日必求母悅

遵義府志 卷二十五 列傳三

古

而後起

胡智德 正安州民幼貧好學困於童試兄弟相繼

先亡父歿力耕養母母多病刻侍湯藥夜焚香祝天

祈延母壽兄弟各遺孤一次兄乏嗣惟寡嫂存並貧

不自給母憐寡媳孤孫尤甚智德務順母心每事必

先經紀嫂娣家而後及己家漸以豐母壽至八十卒

智德益以周急爲事之貧者食之乏衣者衣之施濟

靡不至壽九十三歲

李如桂 李如梅 遵義人父八十八歲時患癱兄

弟躬親調侍衣不解帶者兩年早喪母事繼母事求

順意繼母至九十一歲始卒嘗語人曰二子之事我勝事父也平生兄不在弟不食弟不在兄不飲卽鄉鄰燕會亦必兄弟偕行族之無依里之無告者常量力活之年皆七十餘卒

何良俊 遵義布衣規矩先民事多違俗父母相繼死廬墓六年燈燼成堆每家祭雖老必躬先祖考墓請歸享令兒子牽馬已左右隨作扶侍狀謂迎精而返也鄉人目爲何酸年七十卒其子際明亦以孝義聞良俊病篤際明嘗糞驗之人咸以爲難及

馮思準 遵義諸生與弟思深飯必共行必俱夜則遵義府志 卷三十五 列傳三 七

並坐燈右互舉一日所行相勉於善老而彌篤思深亡悲慟成疾越年亦死臨終書曰存心立品敦倫讀書勤儉十字以遺子姪

馮如淵 桐梓監生性友愛弟爲商盡失其產如淵復以已產分半給之他任卹族鄰多類是 並公舉事實

行義

韓應臣 字卓庵綏陽人生萬曆庚子孝友端方樂善好施遭戊巳兵荒流亡載道不惜家貲周恤鄰里相依存活甚眾綏陽至正安之大道竭力捐修至今賴之 綏陽志

蘇蜀俊 桐梓人篤於繼母力行善事終其身嘗誠其子曰吾自計生平所行仿佛前人者僅十餘事而已 折

國朝 楊春榮 遵義歲貢事繼母數十年如一日性好施親族待舉火者眾歲饑常罄所有以拯窮貧不能償者輒焚其券鄉黨欽之 公舉事實

遵義府志 卷三十五 列傳三 七

張時魁 桐梓人持身以禮遇公事身爲之倡至老不怠邑令扁以鄉人之善康熙六十年

醫濟人孫祀行列賢書 印

侯汝和 桐梓人以敦族聞有族姪愷幼失怙恃好學而家貧汝和教養之後愷成舉人

金 璽 桐梓貢生素守清貧康熙己丑於南關外

拾金五十兩覓其主還之

王宏詩 桐梓諸生營市物賈人誤多與宏詩歸而

知之亟走返之年九十餘五世同堂

金曰瑄 字虞瑞乾隆丙子桐梓舉人邑 文廟地

久當事者苦難修置之曰瑄倡捐力募功賴以成又

以文昌宮無焚獻費撥他寺之贏者入之城南舊有

橋為水圯曰瑄捐修因無溺人仁懷有手爬巖極險

艱於行曰瑄一力修為廣坦生平善舉多類是官終

永從教諭年九十卒

馬文燦 遵義人故貧其弟婦悍父使析居父沒以

勤起家弟仍貧令同居宅近有地名合口當兩水合

處故有石橋圯數十年人苦涉文燦獨力復建之遭

巨漲復圯擬更建弟以費奢阻文燦即欲分產燾之

作費不令累弟弟無如何乃別相地礎加高橋成費

倍於前毫不募助人咸義之

黃永泰 遵義布衣敦古不疑弟於兄嚴於子家本

裕歲除家計悉以濟人以居近少讀書捐建文昌宮

即兩廊為學舍延師教讀家之喪祭不作佛道略遵

程朱家禮其妻死永泰服齊衰人咸譏笑永泰自如

也

袁文過 仁懷貢生與弟文蘇至老友愛逾篤石堡

寺渡口漲時人涉歲多溺者文選捐資置渡數十年

人咸利濟更於巖門捐置義地聽人磨葬貧者復與

之棺每歲歛即開倉賑濟年四十無子聘何氏女為

適室後聞已字因壻貧父母乃改字力却之贈壻金

令完娶鄉里咸稱長者

袁文蘇 字若海仁懷監生家富好善設塾教族隣

子弟之貧者時賙助鄉人之不能婚葬者凡屬義舉

不辭其艱長灘箬為邑之極崎嶇路行者避足文蘇

隻力捐開上下二百餘里悉成坦途人尤以為雜云

家有東園蜀人王昌年為作記云袁子若海家黔南

萬山中峰巒泉石既獨據其奇特復於宅之東偏引

水鑿池壘山峙石堂軒臺榭各因地構扶欄翼之宛

轉交通溝水日夕循除流游魚鳧鸞啾啾菱荷間花

木松篔掩映翳藹其清幽又特甚焉子來輒畱作數

日樂間與若海上下其議論其人軒濶寬厚識見溺

達家庭敦睦無間言鄉之人愛而信之有所作取一

言以為所嚮其才蓋有過人者以予之愚不諧於俗

而若海與予交久而且敬亦若獨契予愚而有取於

愚者夫以若海之才而年力精健宜若可以見於世

遵義府志 卷三十五 列傳三

七

遵義府志 卷三十五 列傳三

七

乃耽玩林園惟尋花覓草是務而罔及其他其果痴好之若是歟抑亦有所託以逃也予嘗謂古今之需才孔亟其求之也蓋若渴而汲汲以應其求者每不足以及副其用而可用者或不竟其才或一試而罷又或並不爲人所知而不見用之于世今觀若海益以嘆深山窮谷之懷奇抱智沉溺枯稿終老其身而沒沒無聞者又何可勝道也哉因爲作記各綴以詩並圖其大略若輞川平泉俾游者知其塗徑未游者亦可得其概焉

並公舉事實

藝術

明

傅天鎮 桐梓人生嘉靖間性穎悟通經史以楊晉

禁讀書遂不應舉一意於醫術有一七活人之妙名

滿滇黔秦蜀間安車之迎席不暇暖著有增補金鏡

錄手驗方各若干卷川撫劉某爲錄木行世年百歲

乃終子孫仕宦不絕按天鎮卽元和父

李紹霄 博學多通心好奇計三廉六遁之術皆練

習劉綬之入播也聞其學請爲參謀二月奏凱紹霄

與有功後綬征遼東固請紹霄同行病卒軍中綬以

紹霄平播時功上聞勅賜金令扶輓歸葬今墓在南

溪口側柏林中新

國朝

宦廷臣 字仲良遵義廩生性儉靜謂太平之世惟

良醫能多活人因殫精岐黃家言實有心得愈人不

受絲毫謝自言生平治病不外古方惟變化在心故

驅遣如意一女病痢服峻劑僵已半月診得元氣陷

且將脫用補中益氣湯愈一縣令病鼓脹求治切診

之曰不治矣然可四月活用金匱腎氣湯重加人參

脹消果四月卒一婦臨產不生且大便閉九日診得

中氣不升用大劑補中益氣湯生而症悉平一病病至二便閉十餘日診得前藥破氣太多用濟川煎重加肉菹蓉愈一病陰寒便閉十餘日診得下太早用理陰煎調麻油生蜜愈一病黃腫癰卧者八年用五味異功散投之命二人用艾炷更灸自頭至足日千餘壯灸十日其足十指尖自流濃黃汁汁盡腫消而起一產後兩目失明診得血虛肝强大用補血平肝之劑三月目復故廷臣醫法類有原本如此嘗刻瘡痢三方謂可補前賢所未著按方施治無不效焉儼鄭學山 遵義諸生名仲僑以字行顯五世孫家

遵義府志 卷三十五 列傳三 廿一

豪於貲其父菘早沒母宋以獨子善病令稍知醫乃盡發方書研究積年有所得力欲以活人爲事聞有世傳驗術不遠千里持厚賞羅而受之曾買一秘集方二十餘首至酬以二百金一日寓大足縣吳林山寺偶病市遠難得藥有先來寓稱張先生者聞呻吟曳草履大杖排戶入長身粗鬚眉氣貌可畏問何患爲汝診其輕也如蟬翼之帖葉其重也若沒潭而抉石出一丸令服遂起過談先生曰汝知切乎曰粗學之曰切何爲名曰以息候脉名耳先生曰噫太淺彼男女之交也其切之意乎以我之精遇彼之神其淺

深進退視吾指猶迹也是親切之謂也天地之大度著於寸深於尺惟人亦然以我尺寸印彼尺寸其合也不間毫髮是切切之謂也理數交融醫乃有權且汝之所謂息者何曰呼吸之氣脉者何曰穴之動先生曰噫大誤天地之氣爲靈爲臆爲風火爲雷電是天地病也而其運行也自若人之病亦然今以汝呼吸定人之病則必汝氣遲緩急數也而謂人脈遲緩急數若此而藥之是汝身病而令人口服藥也人之不死於汝病者幾希哉因再拜稽首請受教先生曰噫難且從我三月當有悟從三月先生別去乃歸其

遵義府志 卷三十五 列傳三 廿一

學大進絕口不道方脉有知者遇急延之雖中夜大風雪必卽往往無不活者常曰十失三吾不肯受十失二吾不敢當其失二三之間乎母早病勞咳以法調之愈至壽九十始沒生平性慷慨所居園倉環四牆花果竹藥周四五十畝來告饑者指某園呼奴子量若干斛去告急者出囊藏卽令之稱四方客過其家烹羊宰肥或時作十日之飲告去知其貧必有所資而其自奉一布袍數十年食飮兩蔬而已晚歲其子文清請著醫法貽後曰是道必知其意不可以言求也僅以傷寒證治口授之臨卒出貸券約萬金付



一炬曰子孫才能自食不才滋害人耳年六十三

傳撰

遵義府志

卷三十五

列傳三

孟

遵義府志卷三十五

遵義府志卷三十六

列傳四

列女 賢明 貞烈

遵義巴蜀舊鄙自馬義趙華三貞著範至今敦厚好義流風滋永賢媛淑女代標壺則婦道無奇蓋其上

也其次堅操烈節令聞者懦立頑震皆足光名教厲風化撫拾次之豈容軒輕惟朝廷旌例已定年限今錄完節存沒可泯蓋亦緣迹晦人

微易就埋滅亟予表章庶伸苦志末由博訪則亦忽諸才執非婦人所尚苟有聞者亦不棄菅蒯以殿卷

遵義府志

卷三十六

列傳四

餘至公舉有徑行不字終身為老女者迥非貞節甘外人倫概所不取用絕異端

賢明

漢 先緒作先光華陽國志蜀志符縣下曰永建元年十

二月縣長趙祉遣吏先尼和拜檄巴蜀守過成瑞灘

以還瑞水經注增死子賢求喪不得女緒年二十五有子五歲

年二月十五日尚不得喪經四字注增乃乘小船至父

沒所哀哭自沉見夢告賢曰至二十一日與父屍俱

出至日父子浮出縣言郡太守蕭登高之上尚書遣戶曹椽為之立碑以旌誠孝也五字依水人為語曰符有先緒熒道張帛求其人天下無有其偶者矣

宋

進士趙之才妻牟氏范器撰墓志銘彤史職廢淑

德懿行泯而不傳有能碣石墓側者亦庶幾矣鄉人

趙允兄弟奉其母之喪以狀丐銘詞甚哀予其何以

辭孺人姓牟氏隱君諱里仁之女進士趙之才之配

其先蜀之資陽人累葉以富顯隱君熙寧初挈貲遊

南平顧膏腴可取遂家榮懿自是貲產盛甲一鄉孺

遵義府志 卷三十六 列傳四

久及笄隱君謂家人曰四子一女吾何憂女聰慧當

選所宜歸先是允大父諱言亦自武信與隱君產

業相頡頏人目為趙牟久之兩翁相謂曰資與武乃

粉鄉今在異縣蓋講好焉隱君以之才有文行納為

贅婿既而更合第俾得自如其實運璫若一家選析

產視兄弟一無厚薄父母之愛篤矣孺人處榮懿舅

姑處新市相距一舍日暮未嘗廢起居禮其可奉甘

旨者榼致籃攜婢僕馳送殆無虛日舅死畢喪葬念

姑髮已鶴迎養於家奉事不忘始死送終禮益厚孺

人之夫天資灑落無鄙吝態客至未嘗稅駕杯盤森

列實孺人內助故不勞咄嗟孺人年踰三十夫死男

女幼稚族黨有為勢位者所撼議以再適孺人守義

甚堅議者沮縮妾袁氏初亦欲求去孺人令終制乃

嫁之此人情所難者癸居四十年冠昏喪祭供餼餽

贖各得其宜逮今阡陌連綿不失尺寸是雖肯堂者

能立實自孺人遺訓耳至若延士以訓子孫種德以

厚基本孤貧知恤內外加敬此里閭知之甚詳因不

復錄孺人享年六十有八卒於正寢實紹興三十年

四月十八日也生二子曰允曰允業進士舉功名遲

速未可量二女長適進士牟黃先孺人十年卒次適

進士牟替後孺人三年卒孫男三人康國康朝康世

疑疑可喜孫女五人允允弟兄卜以乾道元年十月

甲寅遷孺人於輕難壩良山下實耐葬也謹為之銘

曰為婦以孝為母以賢有一於此名胡不傳兼而有

之奚以銘為德至名著固無足疑銘之謂何久而不

磨傳者益遠知者益多縣志

國朝

遵義縣

知縣唐廉妻黃氏 氏父母與廉父一元避兵亂來

遵母病危以幼女託一元撫養後以賢因聘為廉妻

遵義府志 卷三十六 列傳三

父顏戚然即召其父授以券不責其值卒年七十九

採行狀略

知縣唐惟安妻陳氏

知聊城縣至誨女幼嫻壺教

父授以經史於古今體詩文皆能之惟安詩所謂山

妻賢且才圖書互相考著也惟安長於庶母蕭事蕭

至孝氏亦婉婉承奉無稍拂子銀銖金竝以積學聞

得氏母教為多惟安季弟惟格學于氏氏卒惟格曰

嫂吾師也為心喪云

採集

韓登聯妻王氏 事姑盡孝府縣旌曰孝婦之門聯

病氏割股救之獲愈孝義兩全鄉人嘉之

陳志

羅立堂妻陳氏 年十七夫死引刃幾危夫之祖父

泣謂曰我家三世單傳吾子死今孫又死無出新婦

何忍再死以重我悲耶乃曰新婦誠不可死敬聞命

矣誓守夫祖父哭子孫喪明氏就養無方祖每歎

曰使我有目其孫婦乎及沒喪葬周慎覺子立與

姑相依乃請於姑以甫周從堂姪為嗣撫之成立乾

隆四年題旌

通志

貢生譚允文妻李氏

世職母也通經義史事允文

早死氏哭之三日不食世職率弟職暉奉膳前跪而

請氏曰吾不食也若等起暉曰母不食兒不起也氏

曰若等強吾食亦有知吾意者乎暉曰大抵以吾父

早沒故耳氏曰不惟是職跪而前曰母特懼父沒後

兒等此一卷書不能慰母心耳氏曰然暉兄弟乃泣

誓曰母但食兒等有不念光父業慰母志者有如此

食氏乃起而食躬教三子慈嚴備至三子亦皆承其

教無稍違職入翰林氏寓書語不及家惟敦勵以父

純厚及古賢出處附詩云今朝雁塔喜題名遙囑兒

曹戒滿盈立志總期成大業莫因一第書前程後職

以母老擬告歸氏聞之不喜寄詩云為子為臣不異

情自來忠孝本相生但須圖報君恩重盡得忠來孝

亦行職卒歸養氏壽至九十六歲乾隆庚子卒世序

庠生張鑑繼室李氏 氏歸鑑時鑑已與兄析居有

繼姑年七十無出而性悞獨居自爨氏請於夫曰子

娶妻為養也而令老母親薪水之勞其何以堪子母

陷于不孝婉請姑就養即自今日始甘旨勿與兄家

較也自此氏先意承志姑輒生嗔後遂親愛無間鑑

年四十死手植一牡丹園中姑見即悲號竟日樹為

半枯氏刈之曰吾不忍令姑見也姑年九十餘卧病

氏置牀姑榻前一夜數起親滌臉則進湯粥不令人

代曰吾不以一食之簡負亡夫於地下事姑三十年

如一日姑死既葬乃卒哭曰吾所矢於亡夫者畢也

教子汝霖汝襄寬而有法年八十四卒探家

周毓泰妻王氏 所師妹道周媳幼嫻婦儀夫死時

氏年二十四遺二子莊芳家赤貧授二子經紡績佐

讀令莊成歲貢芳入邑庠事翁姑孝道周病脾濕姑

趙亦衰病朝夕倚氏如手足氏奉事益謹毫無怨怠

後喪葬並盡禮生平以未亡人不妝澤不往鄰戚慶

弔壽六十一歲公舉

庠生徐錫鬯妻沈氏 氏通詩文識鳥音年三十六

沒遺三子淵泰準家業蕭索氏食女紅自教三子常

帖要來沒飯吃還不苦讀書於壁上勵之後三子俱

成名封恭人卒年七十一探家

監生唐銀妻杜氏 舉人謙女歸唐後家貧氏拮据

供事能得兩世歡銀早卒氏絕而蘇顧諸子曰殉夫

誠吾志第汝曹失撫必不能立是非吾夫意遂躬教

之若嚴父并日畦圃事事身之常食菜粥衣破衣不

受親戚郵也長子洪一日廢學氏泣而責曰爾父臨

終時語爾弟小或不記爾便概忘之耶似此不才何

以處我責已復泣洪因率諸弟學益力後洪食廩餼

淮入庠氏乃有喜色洪教於西里學子家具酒食雖

固請未嘗一至其門探家

舉人李鳳翽妻聶氏 文啟五世孫性温厚姑病恍

惚竟日晷之甚則筆楚每急不能避則以身受毫無

忿怨姑病連年至不能行動凡起居飲食必親奉之

鳳翽館于外氏代事兩世能得歡心夫祖五子以次

就養每至其家輒喜曰孫婦所辦適吾味真能事我

後每值夫祖父生忌家或玩忽氏必記之奠獻必墮

淚平生不妄笑語晨即起洒掃門庭衣無新舊必親

浣濯教子孫必以嚴正至老見客終不踰閫每坐必

理麻年八十無恙卒時麻猶在手其子桂山妻羅

遵義府志

卷三十六 列傳四

六

遵義府志

卷三十六 列傳四

七

氏能繼其賢姪汪好潔凡園蔬非羅手擇者不食也  
勤儉善積家經吉凶事幾三十皆能措辦子爲作宰  
後猶衣補綴布衣卒時命爲曰我舊紅衫爾曾祖製  
以娶我者死必先衣此年七十卒採家譜  
知州張極妻周氏 歲貢寬女幼卽知禮法年十九  
于歸時極方補弟子員家貧隨父館於外祖姑李年  
八十始李抱弱病服食之宜寢興之節檢方調藥之  
勞鍼鬻刀尺鮮菜米鹽之細皆以一身任之兩姑病  
或甚則衣不解帶拮据勤勞十餘年如一日祖姑嘗  
語人曰得新婦吾忘吾兒孫之苦耕于外矣其得歡

遵義府志

卷三十六 列傳四

八

心如此極之官直隸祖母已前卒父母並在堂以母  
病不敢迎養在官恆鬱鬱不樂氏聞之寄語曰國事  
惟君家事惟我君忘爲秀才就館時耶後姑年高飲  
食不能自持非氏奉之則勿進凡事先意承志類古  
孝子極遠宦十七年而衰親得無恙者氏之力也壽  
六十七子書紳書巖皆舉人胡枚撰  
周紹烈妻李氏 氏適周末及旬前妻子得危疾  
氏割股和藥救之卽愈後至二十六歲死氏又撫其  
子成立卒年八十一公舉  
李崑元妻羅氏 歲貢毓安女崑元幼喪父家無立

錐地氏歸李甫二載生一女其夫卽染惡疾時姑老  
夫病女幼仰事俯育惟資十指將十年姑沒氏殯葬  
如禮其夫疾愈劇身腫目瞑兼飲食必酒肉氏竭力  
營辦紡織恆徹夜又十餘年夫沒亦殯葬如禮女嫁  
後破屋數椽孤居自食力有富翁聞其賢欲娶之氏  
弟閔其孤苦婉勸諾氏嚴拒之復孀居三十餘載卒  
年七十四公舉

邵光先妻李氏 年二十五夫死無子夫故貧亦無  
兄弟氏誓事舅姑終身春鉏紡績拮据以養旋姑死  
舅續娶生一子月餘而舅死又月餘姑亦死氏抱孩

遵義府志

卷三十六 列傳四

九

叔乳於人力作酬以月值暇卽往視後哺者意懈叔  
漸瘠氏歎曰是翁姑一綫傳也若此奈何涕泣負歸  
調飴乞乳撫以長立爲之完娶使家少有年八十七  
卒  
知縣黎安理妻楊氏女鄭文清妻 氏生而賢父鈞  
慎擇壻以妻安理安理家赤貧少常芒屨短衣逐市  
負販氏兄弟咸怨鈞鈞笑曰此卽所謂能忍辱必能  
幹大事者也氏旣歸淑而能貧安理歲館穀于外兩  
世在堂侍奉惟氏賴繼祖姑夏悍極夫毫不及事因  
挾遺產與居別安理居于外竹棚牆壁上寢下炊

安之無怨色有一味必手進祖曰孫婦賢也夏曰汝老如小兒惟喜得人食也姑積勞病哮喘有年甚則常數月夜不可上榻氏亦數月侍于畔姑語亦語姑起亦起姑惡病苦甚一夕竊索頸求死氏驚抱而泣姑亦泣自是稍稍愈安理少及次弟隨父館青城弟逃以爲死矣經四十年二子俱侍安理教永從一老者至門作蜀語稱尋兄來觀者俱互不相識氏細詰以兒時及見人泣曰是叔也乃爲娶妻與同居叔又遷之興義妻子盡死復來歸氏待之如故一猶子不慧生數月父卽私出依氏長大與婚配迨安理致老

遵義府志

卷三十六 列傳四

十

爲兩弟家置田宅叔願依姪終氏告曰叔鰥老終死然使有子死不愈于鰥死乎更爲之娶使就室逾年果生子其猶子就耕也人豐年彼無獲賴氏憐之獲飽煖以死子恂宰桐鄉迎養雷數月卽歸斤竹溪左右多門下生至是半頌白稱老人時縛雞攜養餌來過見摘蔬則摘蔬見行圃則行圃絮語家常如母如兒每至夕遲遲不忍去曰吾無母見宜人見吾母耳其慈祥如是然卑行苟拂教卽怒斥不稍假夫息雖貴終身惟見服布衣無一時手無業卒年七十撰鄭珍第三女適天旺鄭氏賢淑酷似其母其王姑年八

十食飲眠動非得之不怡逮別居王姑曰長孫婦善我事彼居乎我依事之乃益謹噤噫欠悉知之先舅臨終泣謂媳長婦孝後家落又里氛惡甚謂是互鄉非居子所乃偕夫東徙斤竹溪上依母家自力衣食常曰人雖窮禮不可不富禮不富則真窮也每祖宗生忌及四仲無或忘薦必潔親賓之來倉卒具亦辦衣飾盡于課兒慈祥及于乞者溪東西居人咸稱鄭家三姑藉藉三姑賢每出見者咸趨進起居三姑咸願得三姑過其家老者無不親少者無不肅教諸子切近篤實無華俗見子珍撰母教錄述訓語甚備

遵義府志

卷三十六 列傳四

十一

云婦人舍言容功無尋德處言止柔聲下氣容止穿飾整潔功則鍼紉紡績酒漿菹醢終身不能盡足括女誠女訓之蘊他于立身持家涉世之道亦邇譬曲喻蓋女宗而有儒者風云道光二十年卒年六十五

莫友芝撰  
墓誌略

知縣張自信妻李氏 諸生世雄女三歲而孤事循母教歸張時翁始皆年六十餘氏奉起居飲食靡不極謹姑病脾世氏扶持浣濯者三年無怨色姑病中力命自信試禮部氏曰是不可從也未久姑果卒其在夫署也日不廢績紉于內宅置竈別炊令諸女

紅暇習刀砧烹飪時率奴婢鋤荒地種蔬以自給訓

諸女曰厨事無他巧一熟一潔而已常以仕宦家婦

女閭內外無別為戒在署數年外僕多不識其面生

平不令三姑六婆往來不延巫不奉佛嘗謂巫邪教

近之只多釀事佛苟遇善人不念經禮懺亦獲福平

居謹言笑終身不作一妄說閒談人多以為口拙至

訓子孫則娓娓中條緒與兩嫂處數十年無一毫猜

忤年六十七卒闕狀

張模妻何氏 氏歸模模以貧常客于外惟姑羅在

堂氏日勤紡績補苴米鹽事求得姑歡姑年益衰飲

遵義府志 卷三十六 列傳四

食出入氏必躬親雖有子婦不令代也姑病危忽張

目作神語曰爾數已盡念爾婦割臂誠延三歲舉室

惶然詢氏則臂上刀痕猶新姑越三年果卒子書林

孫仁鯤仁鸞並中鄉試公舉事實

吳朝用妻李氏 鳳翽孫女姑張守志撫朝用而早

死時氏年三十一懼益傷姑心夫死即不哭後張為

兩孫覓衣見李枕被皆淚濕而泣始對始一痛號張

性勤李善承靡不至家用常缺張問之必曰有凡張

飲食衣服必躬浣具兩媳爭代之李曰老人性情非

若曹深知即能代我心終不似也鄉里中凡婦不孝

者咸舉吳家婦媿之云卒年六十七公舉事實

正安州

申光祥妻韓氏 年二十五夫亡夫病時謂曰我病

且死爾又無出其改適氏曰君病當愈無妄言萬一

死翁姑尚存叔又小誰當養者誓不出申家門也入

亡後翁姑憐其少諭以再醮親鄰亦再三勸氏不稍

動家故貧翁常小販出姑病不仁動履惟婦恃家事

無大小皆身之夫弟三人漸次成立經紀婚娶翁姑

不勞甚于子在時姑沒翁娶繼姑氏孝養如一婦兼

子道嫂任兄職一庭和睦四世同爨鄉人競稱之道

遵義府志 卷三十六 列傳四

光十八年題旌題旌冊

仁懷縣

庠生許爾熾妻卞氏 舉人貞女爾熾家故貧其姑

繼姑也其舅與爾熾筆耕氏多方補給舅與夫相繼

死氏無子念經紀兩喪畢以身殉鄰里有知者始始

感動泣諭曰天禍我家極矣若媳死顧汝叔爾熾甫

三歲爾熾甫八月汝遽忘汝夫臨終以我及諸孤屬

耶諸姑叔亦牽衣環泣惟恐氏旦夕棄之氏念夫遺

屬且痛夫無後乃起視家政一切獨肩每事承始志

教諸小姑以針帶女訓擇賢門嫁之視兩叔調護惟

謹而爾熾自在襁褓氏即含哺之爾熾亦依下若慈  
母出入必隨稍長延師以教積十指之勞以供館穀  
偶見兩叔輟學或稍踰規矩輒改容責曰汝兄嘗舉  
先訓謂人當務實學敦古道今責在兩叔若陷為輕  
薄子不如無也熾俱未冠為諸生食廩餼氏為娶  
名門作娣姒雍雍肅肅見者敬焉爾熾既生子請嗣  
嫂氏曰人家為財產立嗣至于爭訟可笑我家貧無  
慮此但必告祖宗通親族正名義于始而後可爾熾  
從之事姑至七十八歲始卒喪葬盡禮乃泣謂兩叔  
曰今庶了我事可見汝兄地下矣初爾熾死時殘書

遵義府志

卷三十六

列傳四

古

數篋外無儋石儲氏紡績織紵黎明而起夜深未息  
以貽其子或稍有積餘即分諸孤寡之貧者每曰與  
我同病必相憐也年七十卒朱佩道撰傳略乾隆二十五年

題旌冊

監生袁洪秀妻趙氏 氏年十五歸袁生十子夫亡  
惟始在氏謹甘旨慎扶持夜則温被晨則温衣數十  
年無間始年踰八十氏亦六十餘姑臨終執氏手而  
泣不忍訣姑卒自斂及葬事必躬親哀禮兼至氏少  
讀書子皆親授亭儒蘭儒皆成諸生嘉慶壬申癸酉  
赤水里大旱氏命諸子賑活十九年八十三公舉事實

壽婦附

李童氏 遵義人道光七年年百有三歲五世同堂

巡撫嵩溥題奏八年給與旌表格外

恩賞銀二十兩上用緞一匹

何金氏 仁懷人捐職從九品何淮妻道光五年年

九十七歲五世一堂巡撫嵩溥題旌並題旌冊

遵義府志

卷三十六

列傳四

四



貞烈  
遵義縣

明

楊護妻田氏通志護永樂間護自京歸卒於途田氏聞之哭泣不食暨柩至自經死有司以聞旌其門

曰貞烈明統志遵義府列女

周鎮妻汪氏郡人幼通經史能詩鎮歷功陞北直

遵化參將偕汪之任崇正末大兵入大安口鎮戰死

之汪聞變洒血作雉經歌八章偕姑及夫妹投繯自

盡闔室俱焚事聞封墓贈祭陳雉經歌云有君有君

遵義府志

卷三十六 列傳四 五

真聖明曰堯曰舜非虛聲天方蹶眾泄泄不陳利害

害羶功名譁自譁兮汰自汰一朝戎馬悲空城嗚呼

周郎兮敢浪戰欲安社稷輕其生可憐熱血膏原野

願叩我皇監此誠有姑有姑蚤孤孀老喜有子登廟

廊十年膝下一相見倏驚禍變成參商倚閭滴盡望

兒淚誰共雞鳴問北堂嗚呼周郎兮子職傷方陳杼

鼓已先亡白頭青鬢頰今古飲恨重泉為大綱有父

有父七十餘課兒勤讀盡儀書綠窻難嫁囊如洗自

甘彈缺食無魚傳家清白惟忠孝狗走雞飛原婦道

嗚呼周郎兮事可傷先驅執爰委東床養女一生此

長別終天之恨魂茫茫有母有母病且沉眼中骨肉

斷我心幾迴哽咽不能語滿耳悲笳漏轉深只緣素

受閨中訓一寸貞腸等石金嗚呼周郎兮未亡人誰

嘗湯藥誰温存榻前步步數逡巡四顧悠悠夢裡尋

有兄有兄望眼枯鵲鵲聲斷雁行疎空懷壯略休嫌

甕請看塞翁失馬圖平生勉作冢家婦否則當年曹

大姑嗚呼周郎兮負兒多奈今妹氏永別何勉思菽

水承歡事養女終須嫁丈夫有嫂有嫂淑且賢暮暮

朝朝十八年女紅織紉持家計荆布蘋蘩儉克先曾

許歸寧今未得遽驚陸地浪滔天嗚呼周郎兮戰不

遵義府志

卷三十六 列傳四 十六

還妹有死所非所憐初七下九莫重憶他生還結此

生緣有夫有夫婦所天天不天兮訝斷絃漆室之女

尚憂魯杞梁之妻淚何乾漁陽城邊血已碧龍武軍

前肉未寒嗚呼周郎兮少年蓋忠自許在生前萬

古倫常須共肩頃刻相從到九泉有子有子纔兩月

眼動眉舒口欲說未向閨羅問歲華遭逢不偶地天

裂忍將肝胆摘西東完得母恩失婦節嗚呼周郎兮

嗣已艱僅此一脉望周全丁寧不盡兒休哭頃刻床

頭起暮烟遵義詩鈔

羅氏郡人失其夫名夫被賊殺羅罵賊死奉

旨旌表

庠生王治民妻都氏 郡人丁亥流寓 陌遵治民率

家口避居湄潭之葛蒲場遭亂兵虜掠殺其子及僕

據氏及婢欲污之時氏年二十七與其婢罵賊而死

並陳志

國朝

庠生劉漢鼎妻張氏 漢鼎遭亂為兵所殺氏年二

十五營弁欲以威劫之氏聞語其弟曰夫死義不獨

生况又有外侮乎遂閉戶自經陳志遵郡紀事庠生劉

漢英妻張氏順治十八年夫死於賊有營弁欲強娶

遵義府志

卷三十六

列傳四

十七

之氏攜其子登樓而縊其子牽衣環泣哀感鄰人當

迫旌其門曰節烈子後籍雲南中鄉試

按漢鼎漢英未知孰是

劉之徵妻李氏 之徵官部曹時吳逆叛氏自家往

京師至澧州適賊軍猖獗不能進退將幼子避古寺

中恐終不免賦絕命詞八章征塵萬里似風遙逐水

橫沙鬢已消愁魂若認歸鄉路好向高堂問母勞愛

河風浪駐淨光鏡蝕鸞織未可傷便使百年能畢願

荒阡總欲葬鴛鴦北雁南來斷楚烟傷心死別已經

年相逢便有金臺夢難向春山認杜鵑何事低徊倍

慘然蚩蚩繞膝最堪憐桃花結子春難駐一夜東風

掃業緣天雞隱約喚江濤寂坐無聊讀楚騷句江

濤雨鳴咽愁人那更雁聲高共道明朝是上元銀花

火樹擁千門蕭蕭古廟無人迹惟有殘燈泣暗魂向

疑身是夢中身入夢尋身何處尋今日身亡惡夢醒

始知身夢兩無因昆池餘劫碎婢娟敢惜微生倖瓦

全撒手臨風還一笑青山何處覓黃泉遂自盡遵義詩鈔

羅兆姓跋絕命詞云寒夜酒闌抽得尤悔菴祭吳司

成文為護暗痛慨久之忽于爛書縫中檢出劉烈婦

絕命詞八首挑燈疾讀淒風挾敗葉投窓撲撲如鬪

遵義府志

卷三十六

列傳四

十六

意外月色昏慘似黯面擁啼者予亦不知淚之沈瀾

下也因撫几太息曰死生之於人大矣哉司成之出

向不可已者雖有文海之薦尚無亭羅之逼即逼而

斃亦易耳今不戢身一棺乎奈之何竟抱無窮之恨

也絕筆有云丈夫遭際惟身受畱取軒渠付後生亦

重可悲矣若烈婦則鏡雖破而可合身雖陷而不辱

人不足以死律之死不以時迫之也乃斷斷必出于死

蓋恐少或牽延有死不成其死者其勇決之至政從

容之至也詩中憤血凝碧如三峽斷猿而身亡夢醒

撒手臨風等句且照徹身因翻涕為笑豈兒女子喞

喟語耶梅村天賦絕材揮灑充棟恐難與共爭千古

也烈婦子淳品學邃茂與予遊每言母輒泣下另有

傳述就難原未予讀是詩已感而筆之以遺淳竝寄

予友樊崑來方坐史館若烈婦者其可不知乎鹿迺

按之徵通志選舉作之珍此從劉氏後人試卷履

歷據兆牲跋文李氏死難其子有傳述原末今散

失無考又據郭之翰序劉氏脩瞿曇寺碑知劉氏

自蜀樂温遷遵今之徵及子淳墓皆在平水里幹

莊大壩通志之珍敷勇人淳黔西人竝據試籍

王巡妻何氏 流寇入遵氏避亂於豺狗坪賊笑至

遵義府志 卷三十六 列傳四 十九

強挾以行伏刀死志通

張問明妻胡氏 因強暴強汗不從被殺雍正八年

巡撫張廣泗題旌

吳琪妻許氏 年十六適琪事霜姑孝琪沒於外氏

年十九聞訃痛號兩晝夜遂絕食投繯死並陳志

陳尚義妻石氏 吳逆之亂偕十四歲女避難為賊

所逼相攜赴水死志通

羅貞姑 彌素女許字喻能元未婚能元死貞姑時

十七歲聞訃奔喪守志不返孝事翁姑婦兼子職撫

姪為能元後守節三十九年乾隆二十八年題旌

薛郭氏 適邑書吏其姑多病供侍十載未嘗一至

戚家後夫死無子繼一子撫之逾一載父欲奪其志

期定來告氏曰不幸不獲諒於親命也夫潛泣於夫

之靈姑之旁者三日遂自縊

鄒德炎妻李氏 農家女年二十適同縣業縫者生

子女各一夫挈之及其弟移蜀未一歲夫死李矢志

撫孤其弟陰受賄欲強奪嫂志議已定李覺度不免

佯自若乘其防疎自盡並公舉事實

游貞女 父雲龍諸生母陳氏聊城令至誨女貞女

通孝經女史大義性莊靜寡言笑雖童稚如成人幼

遵義府志 卷三十六 列傳四 二十

字桐邑舉人陝西白水令楊鍊子某雍正十一年某

以疾卒於父任女時年十四訃聞大慟請於父母曰

大人既納楊氏徵是女為楊氏婦矣願終身守志父

母允之會有望族欲委禽父母欲卻之而戲謂女曰

將為汝納采女遂投繯婢驚救復甦自是無敢言者

迨其翁解組歸為子營葬乃白父母往祭夫墓淚血

交迸哀感行路遂畱楊氏不歸侍養翁姑克盡婦道

後翁姑相繼沒醫藥含殮及窆多事女於哀毀中無

巨細皆力疾經營莫不如禮弔者皆嘆息去時楊氏

無可嗣者女獨居形影相弔父母憐之曲諭始歸坐

卧一室足不出戶外父母老多病女不解帶不交睫者數年如一日母病危刲股以進母旋獲愈後父母卒勺飲不入口者五日幾至滅性自是益無所依乾隆戊戌年五十有九疾革嘆曰予今日可以告無愧於吾夫子矣遂卒王恆撰傳

魏寅姑 四歲喪父十四歲字余某某出外十年不歸母欲改字之寅姑曰渠有母在無不歸理即終不歸我當待之百年耳嗣某母亦死母私改字之寅姑聞乃縊死時二十七歲

廖貞女 字梅氏子未婚客死矢志不再適年七十八歲卒

遵義府志 卷三十六 列傳四 三

楊長姑 字黃姓子未婚黃死長姑父母亦早亡誓不再適依兩弟終其身年八十一歲卒並公舉事實

正安州

國朝 王正姑 咸宜女字曹氏子仁未昏仁沒正姑守志不改適雍正三年題旌

張秀姑 康熙三十四年題旌坊建州署外今圮事

實不存

羅康氏 九洞溪船戶某強姦不從勒斃棄河中氏

時年甫十五乾隆三十六年題旌並州志

桐梓縣

明

梁郁山妻冉氏 年二十二夫死姑欲奪其志氏知之乃佯言歸家至中途登虎跳崖上下相去千尋泣乳其子命婢負之以衣掩面墜崖死其身不損

楊之瑤妻何氏 夫死何年二十二女甫三歲子五月誓不再嫁有豪悍欲娶之氏度翁姑孱弱必不免遂仰藥死並通志

國朝 趙貞女 未婚守節白首完貞

遵義府志 卷三十六 列傳四 三

李長姑 字鄧姓父母後厭其貧別字之長姑不從將逼之嫁矣乃雉經死

楊烈婦適綦江李氏 年二十六其夫姪潛入內調之楊怒號姪逃去以事白之嫂嫂反詬楊因縊死道光十三年以捐軀明志節烈可嘉題旌夫家不樂有此婦令建坊母家今坊在婁里並公舉事實

緩陽縣

明

何大妹 許字未嫁婿出不歸父母改字之給以壻

歸迎娶至中途大妹覺奪從人佩刀自刎天啟間賜坊旌表

劉漢儒妹 漢儒邑庠生妹許字都勻教授熊文豹季子隨父之任值綏地兵亂有偽總兵王祥招安官李本直者欲強娶之自縊死

黃氏女 父文艷庠生女年十四順治丁亥冬賊姚黃韜寇綏陽文艷攜家避山箐中賊搜箐驅文艷出擊以刃女抱父號哭賊擱置馬上女罵不絕口賊殺之

熊氏二女 長年十六次年十四貢生文豹女值兵

遵義府志 卷三十六 列傳四 三

亂家人俱逃二女義不受辱登樓對縊死賊嘆息去

國朝

韓壽姑 向廷賡撰傳韓氏壽姑綏陽庠生嗣昌女

許字庠生任珩長子先型年及笄任氏子病廢未婚

一日壽姑晨起鳥環鳴不已駭然曰若人死矣訃至

號泣幾不欲生遂裂婿家所送白布封髮父母欲改

字他姓悲泣不從乃歸婿宅哭拜婿墓事翁姑以孝

聞今年三十八癯然一老處子正安學正王咸宜女

正姑字舅氏子正仁未婚仁沒正姑守志一十五年

川撫軍蔡珽以奇節題請建坊壽姑節同正姑而竟泯沒于鄉村哉

張睿妻王氏 幼聰穎通詩書年二十而嫁未期夫死題絕命詞曰自尤妾命薄如箋暫賦桃夭失所天未老姑章還有托綱常豈獨讓人先遂以身殉知縣

陳詢表其墓曰張烈婦之墓 梅氏 家貧許字富室富人子薄之結土豪退婚氏父樸懦允之氏聞大恚以首觸柱家人持之得不死至夜自縊並縣志

仁懷縣

遵義府志 卷三十六 列傳四 三

袁大姑 不知其父母夫家道光十八年溫水之亂賊四掠婦女大姑與羣婦逃避山谷一賊突至見其

少美強擄之大姑給以願隨去甫釋手大姑飛刃擊

之中其顛賊奔呼羣賊至則已自刎事平尸未腐鄉

人葬之公舉事實

遵義府志卷三十六

遵義府志卷三十七

列傳五

列女 守節 才藝

守節

遵義縣

元

楊道妻陳氏 郡人至元間夫卒守節致和元年楊

漢英上其事詔表其門封淑德安人

明

何應熊母閔氏 年二十一夫亡撫子應熊遊庠知

府黃立言表曰苦節和九應熊死復撫其孫亦遊庠

遵義府志

卷三十七 列傳五

年八十二卒

並陳志

國朝

楊士傑妻石氏 年二十夫亡姑老子幼值吳逆之

變負姑攜子潛匿深山三日乏食採蕨供養姑病目

無力延醫跪舐得復明後姑病篤哀號欲絕至爲嘗

糞及卒喪葬盡禮教子成名雍正三年題旌

並陳志

陳佩琚妻杜氏 思賢女許字後佩琚年十五忽得

狂疾不愈舅姑欲辭婚氏聞痛哭誓不改適及歸甫

一載佩琚歿氏甫十六歲遂堅貞守節事翁姑養葬

盡禮有古孝婦風氏無出有婢生之子方襁褓婢亦

死氏育之恩勤備至稍長使就傅勗以修身立行子

得成立乾隆三年題旌

谷中王妻葛氏 年二十夫死當夫病篤時對夫剪

髮矢志守節奉姑誠孝畜雞豚以供甘旨身食粗糲

教子有方深夜紡績伴子讀書乾隆四年題旌

並通志

庠生王正妻江氏 年二十餘夫歿誓不欲生因念

翁姑老子幼乃泣誓曰俟親歿世子成名即死以報

亡人於地下守節四十二年乾隆四年題旌

田種珍妻夏氏 陝西察將夏景涼女種珍早故誓

不欲生翁姑勸以子幼倘殉一已節非所以慰地下

人也氏從命立志守節奉侍翁姑一切養葬竭誠盡

孝守節三十二年乾隆七年題旌

張世相妻饒氏 年十八歸張再期夫病割股救之

卒死夫既殯引刃方自決遺孤半歲適大哭襁褓中

因大痛而止嚙指以自明志撫孤文遂成拔貢乾隆

十二年題旌

李文斌妻任氏 適文斌三年夫沒氏勺水不入投

繯二次翁姑勸諭因以代夫盡孝自矢繼姪承祧守

節四十一年乾隆二十九年題旌

田茂禾妻李氏 年十九夫亡遺一子矢志撫孤舅

遵義府志

卷三十七 列傳五

二